

Кывбуръяс



Лемванырд

Поэма

Водзыкв

Кöни сөдз ваа Лемва гыа Усвао
Кузь лыа кöса пыр писькөдчö,
Кысянь Из и зумыш Войвыв Кытш тыдалö,
Сыа местаыс корö, кыскö, –
Бытьтö кодкö сэн мыйкö шуны мен кöйсö.

Сы вылын во джынсö Көдзыд Пöль чеплясьö,
Лымйыс – гөгйыс вылөджык усьлö.
Мөд джынсö Ывлаыс ном-гебөн повзьөдчö.
Гожйөдчан лун – зэв шоча овлö.
Йбзөн чөвтөм-эновтөм зэв нин дыр олö.

– Сөрөм! Сы коддьөм нырдъясыс быдлаын эм! –
Шуас кодкö. – Дыш кывзыны мен!
Челядьдырйиыд быдмин сэн, бокрын олан
И туй помланьыд воыны мөдан,
Чөжсьөм грекъяссыд прöща корны сэн чайтан!

Гашкö, и тадзи... Но ме сэнi эг чужлы.
Пырмунiгмоз сөмын сэн вөвлi –
Кор гыа ю сайын школаö ветлывлi
Да гоз-мөдыс нөбъяс кыскавлi.
Оз төд менö нырдыс и оз куж сёрнитны...

Но кодкö өд öтарö корö-кыскö жö!
И мыйкö дай висътавын кöйсö!..
Ог лоёй, кызди рөд төдтөм «виль росрикэн».
Видзөдлам – код кызди овлис сэн.
Важас өд Вильлы век колантор овлö. Эм.

Кыдзи и быдлаын, зэв важдырся Лемванырды вылын
Коркө вөвлөмнү Палеолит, Мезолит, Неолит.
Көн өнү мырсө шахтёр и тшапа на ветлөдлө көр,
Быдмөма джуджыд да тшөкыд, васөд тропическөй вөр.
Борда ящерьяс уль сынөда енежас жулисны,
И бронто-динозавръяс сэнү кынөмпөт корсылсны.

Сөрөнджык паськыд нырд вывти шөйтлөма пещернөй морт
(Туша-мыгөрнас сыа вөлөма дзык быттьөкө Орт).
Мамонткурьяын узылөма и мамонтөс сөйлөма,
Пөрттөг овлөма и сов көрсө абу на төдлөма,
Но өнүя мужикуловысь вежаджык вөвлөма:
Кыйсьөм водзвылын курыд зеллятө абу видлөма.

Сэсса Лемванырды неөтчыд пон увтөмөн тырлөма:
Из сайө төргөвөй туй Усва-Лемва пыр мунлөма.
Вөвлөма тайө коркө матө шөр нэмьясө.
И туй вожаланінын, лыска пуяслөн сайөдын,
Шойчөдліс норт кыскысь пон-ёртсө важья төргөвөй морт,
Кор ылө кольліны челядь, и гөтыр, и шоныд горт.

Ачыс шкоргис или нурьясис сэк ноддя¹ би дорын
(Эз кө суавлы керка или воча чом нырд вылын)
И кывзис, кыдзи өтка көин омляліс неылын.

А, колөкө, нимкодясис кодзула енежөн сэн.
Дивуйтчис Востымөн и эзысь паськөма кюясөн.
Чөсмасис (слөн пастөм на) тшайөн да эллинскөй сурөн,
Көр яя шыдөн да ас пөжалөм кынмыштөм няньөн.
Помтөм Енкөлаас морт асьсө кыліс сэк вынаөн,
Ёнөн дай шудаөн. И збыльысь вөвлөма сэтшөмөн.

¹ Ноддя – кык орчча кос керйысь вөчөм бипур.

Вөвлөма комилөн коркө Биармия – важ Чужан Му
 (Кытчөдз мөд, мөд кыла – сьөд вира войтыр эз вай ассьыс ру).
 Вөвлөма миян вужйөзлөн и ас, коми Ен – Зарни Ань.
 Нывбаба Ен – мича и статья, сяма-мывкыда, лышкыд, шань.

Вөдитан муясөн, вия чериён, вөрса кыйдөсөн,
 Сов пуанінгъясөн, эзысь-бронза и көрт сывданінгъясөн,
 Сөстөма олөмөн, волысь-орччаөс пыдди пуктөмөн
 Зэв ылөдз кывсьөма (славяна канысь нель-ө-дас нэмөн водз).

Кывлөма сы йылысь сэк ва руа дівывса Англия.
 Төдлөма сійөс и ыджыд вежөра античной Греция.
 Волөма сы дорө югыд енэжа дивө – Персия.
 Кольлөма сьөмсө вына-ён слөнгъяса сө елма Индия.

Сибирө пырзъывтөм вузасян туй вужйөзным вөчлөма.
 Саридз пыр Скандинавия өтарө карабөн локлөма.
 Азия войтыр – вөлөн да верблюдөн. Карбасөн-пыжөн –
 Волжской Булгар. А Новуградса купеч, – матын пө да, – подөн.

Олөмсыс став бурсө сэки важъя коми морт төдлөма.
 Европа культураө сылөн уна водзмөстчөм пырөма.
 Зэв аслысьяма философия-оласног чужтлөма.
 Но небыд сьөлөма вөвлөма – наян-горшлунттөг чужлөма.

Эз топөдлы кабырө орччаөс – мустөм вөлөма тыш.
 Но челядь да гөтырсө дорйыны абу жө вөвлөма дыш.
 Нель ыджыд кось сылөн олөмын историкъяс пасйөмны –
 Биён да шыпуртөн вель уна «шуд корсысь» сэтчө волөмны.

Балтика моресянь Из дорөдз Биармия вөлөма,
 Луныв степъяссянь Усвадор тундраөдз муяссө кутлөма.
 ...Но ыджыд да вынйөра племялы сетчыны лоөма.
 Чужан Му помө, вөр костө вужйөзлы сетсыны ковмөма.

И кытчөкө вошөма сэк мян Зарни Чужөма Ен...
Эм öнi комилөн выль, öтдор вöзийом, зумыш мужичöй Ен.
Биармия воясөн мойдö – легендаö пöрөма.
Водзмöстчысь, удал морт ляпкыд ув вылö пуксьысьөн лоöма...

А Шондыс – öзийö на, и комиö эскөм – эмышт на!
Но кызди да мый керны, медым бөр кывны асьнымöс Мортөн?..

3

Бырөма. Сылөма. И тувсовъя гудыр ва нуöма
Купечнымлысь шудсö. Йиа Вой Саридзö вöйтöма.
Колысь синма вына сусед сюрс квайтсё сизимöд воö
Потшöма туйсö, сотöма сылысь Рөгөвöй карсö¹:
– Озыра, вöльнöя олö и Сарлы оз мынтывлы вот!..
(Но ворссьöма – озыр ёрттöгыд и ачыс гöльмöма).

Серав көть бөрд – важъя сусед сэтшöм öбича öнi на,
И код тöдö: мыйталы ковмас на овлыны орчча?..
А Олöмыс, кызд и бөрö нырччöмöй, водзö мунöма.
Сидзкö, видзöдлам, бур йöзöй, мый водзö сэн вöвлöма.

Кык да джын нэм сэн эз увтыштлы пон и эз кыв сёрни гор,
Сöмын чöv-лөня быдмöма-шувгöма латшкөс коз вөр.
Койтöма тар, да байдөг кельöбтор кызд гарйөн вердчöма.
Кöинысь пышйигтыр ю вомөн дикöй көр вуджлöма
И шойччöмбөр мунлöма бөр. И ни öти тöргөвöй морт
Эз нин сувтöдлы сэкисянь кык ю костö асьыс норт.

4

Гөрд чери да лэбачьяс тöдöны Чужанin.
Том кадö веськалөм мортлөн вазьывлö син.
Вой Кодзув энэжын нэмъяс куслывтөг öзийö.
Юясын ва сы моз жö сувтлытөг кывтö.

¹ Англо-голландскöй купечьяскöд Обь ю вомын тöргуйтöмысь царскöй воевода вöли кутöма (и кувтöдз нöйтöма) печоравывса 30 купечöс («Прошлое Русского Севера», академик С.Ф. Платонов, Берлин, 1924).

Гашкө, Ывлаыс Морт моз томдырсө помнитө?
Гашкө, Морт Лов збыльысь кодзулө пөрлывлө?
Гашкө, Пращурным ми бөрся енежсянь видзөдө,
И, кор лёк овлө, гусьоника отсавлө?

Юысьлы, корас кө, курыд зеллясө чөвтны.
Висьысьлы – кок вылө бөр өдийджык сувтны.
Том зонлы – мича да бур гөтырпу аддзыны.
А гижысьлы – сьөлөм вөрзёдысь кыв шуны...

А қор мян лов вылын лёкысь-лёк овывлө,
Қор нин джагөдчан гез синъясным корсьывлө –
Сийө өзйысь изторъяс чөвтало му вылө:
Дзугысь петан туй аслас виртусылы ликтө.

И нуөдө сэтчө, көні олөмыс сөстөм.
Көні вөр-ваыс лёнь, озыр и вөрөдтөм.
Көні вөвлөма вынаөн, ёнөн, шудаөн.
Сэтчө, көні морт овлө тырвийө мортөн...

И өтчыд выль вольной морт нырд вылө тувччөма,
Удал да сюсь зонлы местаыс мусмөма.
Кык ю костө (падъявтөг) керкасө лэптөма,
И куим бур пиөс сән гөтырыс чужтөма.

Тадзи бөр ловзёма сәні йөза олөмыс.
– Видза! – вашкөма зонлы латшкөс коз вөрыс.
Но ним-вичсө Аньлысь, жаль, ог нин төдмалөй ми.
Көзяинлөн ним: Яков, Попов Ярө пи.

5

Тані ми, бур йөзөй, сулыштам да бөрө видзөдлам –
Қытысь и код рөдысь воөм морт вөвлөма, думыштлам.
Ярө (Герасим) Яков рөднас Мохчаысь вөвлөма.
А лунывса комияс воигөн дзоньвидза-бура
Сән важъя рөдвойтыр – ыджыд Чудь котыр на овлөма
(Вөлі тайө сюрс витсө квайтымын сизимөд воө).

Выль, Кростос верао чудь йозыс пыртгом на вöвлöма,
Тöдтом Енлы юрбитöма (гашкö, Зарни Аньлы на).

Сюрс көкъямыссё квайтымын (либö öтикöд) воö
Том изьватас морт мунома сюрс да джын верст ылнаö
(Печора вылö пароход сэк абу на волöма).
И вужъясьöма абу тыртгом Сыня, Косью, Адзва
Либö мöд муясö, а татчö со, Лемванырда вылö.
Мед ылыс олыся Колвасянь куимсё верст сайö.

Мыйла, мый могысь?.. Гашкö, нырдö Пращурис ликтöма,
Коді коркö сэн индийскöй тшай да сурсö юлöма.
А, колöкö, Ярö Як абу коми, а Чудь рöдысь?
Весиг биармияса рöдйöзлөн поп ли князь вужйысь
(Кодъяслы Вöля да Ен колöны ёнджыка няньысь)?
Быд «сьöд нянь сёйысь» – öд та ылнаö öдвакö мунысь.

6

Кутшöма сэн удал да сюсь чудь-коми овлöма?
Медводз, кызд тöдам, Лемванырда вылö керка лэптöма
Да аньöс пыртöма. Пиянлы – моньяс вайлöма.
И тадзикöн «Кövчег» пытшкөссö Олысьөн тыртöма.

Горт дор олысьсö сьöкыдджык чукöртны вöлöма,
Но Яков ставныссö параён öклавны сяммöма –
Кöбыла-уж, мöска-öшка, ыж и пороз, кык кань
(Ай каньсö Сибирись вайлöма питшөгас) да вит пон.

Абу гусьён олöма – вот казнаö мынтöма.
Таён ылöдз кывсьысь старовер Лыковöс панлöма.
Но нырдö – потшлöма. Быттьö крепостьö йöртлöма.
Öни на шулöны: – Кöрт асыкөн нырдным кытшöма.

Шуда-ö Яков нырд вылас вöвлöма? Код тöдас...
А уна-ö, абу йöй, мера тöдысь мортлы колö?
А сэк мöс дорö волöма йöра, «кövчегöдз» – ур.
А югыд-шоньд оланін – дзоньвидза челядьбөн тыр.

(Ярö Як Филатлөн чужлöма квайт пи да нель ныв.
А Севастьян (Восьсея) пиыслөн – вит пи да кык ныв.
Иванлөн водз гöтырыс кувсьöма, и вежаньöс, –
Надежда свет-Ивановнаöс, – быдтöма öтнасöс).

Карсьöма. Кыйсьöма. Обдорлань выль лöсас лöсийöма.
Уджалиг-пессигад мудзöм и висьöм, дерт, тöдлöма.
Но Аския Лунö – эскöма. Ас Ен – видзöма.
Дай кызьöд нэм, жаль тöдтöм нэм, зэв ылын на öкмöма.

Мöд юкөн

1

Тувсовъя йисö «жуглöны» дзодзөгъяс –
Вына сойборда, мича и гордöй лэбачьяс.
Быд народлөн эмöсь смелöй нырщикъяс –
Ас бөрсяньныс войтырсö бурланьö кыскысыяс.

...Ярö Як бөрсянь Көрма Вась Як вöтчö –
Косьювомö пöчинöк вöчö да нянь кöдзö.
Сэссия Лар Вань Иг пиыскöд локтöны –
Кöраяскöд Адзваын вузасыны босьтчöны.

Дас öти во мысти Бөлбан муясö
Петра Хöзяинов ыджыд кельöбөн воö.
На дорö кöртöм ненечьяс кольччöны,
И öтвылысь комикöд Ус юын вердчöны.

Важъя тöргөвöй туй кузя Сибирö
Сизим семья, нелямын морт, зібьясиг катö.
Зумыд полярнöй кытшсö нин вуджöмны,
Но Ошвөрö, Никитö, Елечö сибдöмны.
(Көр, пöтка и звер – би дорö локлöма.
Ок! Чöскыд чериа сэк Усва йыв вöвлöма).

Сөдз ваа Лемвалон сё сывъя кырйись
Попов Ваньё Епимлон вөрзёма сёлөмыс.
И, кызд коркё Яков нырдас вöчлөма,
Падъявтөг сэтчö быдса кык керка лэптöма.

И Лемванырдын олысьыс содöма –
Кык семья овны ас дорас Яков лэдзöма.
Яков Öльöс да Кузь Вась Филипповöс –
Кöртөг кольöм, рöд сораса пастукъясöс.

Кызьöд нэмса нельöд-дасöд воясö
Овтöм-тыртöм Усва дор му бөр йöзөн тырö:
Куимсё нелямын сизим морт олö.
Ныв-пи и мөс-вөв нелямын овмөсын быдтö.

2

Кызди сэк йöзыс овлöма? Гажтöма.
Батьö кык арöсөн мамтөг кольöма.
Мамсянь дедöс Керысь-көлдун тшыклöма.
Öткымын пöль лөс вылас горт видзлöма.

Эз вөв пыж бöрын «Вихрь», эз вөв и «Буран».
Сьöд пывсян – биа висьöмъяс бурдöдан.
И быдлаö сюйсьыс кельыдлöз «Сони»
Ен пельöсьяс сэки тырттöм на вöли.

Ми серти – сьöда, сьöкыда олöма:
Пыжсö ва паныд брундукöн¹ кыскöма.
Но рöдсö сизим көленаöдз тöдлöма!
И таөн озыр да шудаджык вөвлöма.

¹ Брундук – пыж кыскан гезъя көлуй (снасть).

Витод воо Му вылас Смертнэй Грех чужома –
 Ен вуном Сар ассыс Вердысьо лыйлома.
 Кыдз и вайдор, юксыны абу кужлома
 Няньон ни властьон. И Му Вежом воома:
 Дас кык во мысти Сарлон сарствоис киссьома.
 Уджалысь Морт сэн Козяинон лоома.

(Лемванырdsa нель зон дас сизимод воясын
 «Служивойон» вөвлөма Ыли Муясын:
 Восьсея Ольо да Филат Ёгор – Кардорын,
 Кузь Вась Вань Восьсея Епимкод – Питерын.
 Ольлон вокыс вөвлөма Финляндской вокзалын,
 Ульянов-Ленинос встречайтысьяс лыдын).

Тани здук кежло, ог ылөдз, кежлам шортуйысь
 И видзодлам, мый бөрти лоома таысь...

Кор Вердысь Морт ачыс Козяинон лоома
 Быдонлы, дон босьттөг, оланін сетлома.
 Вөвлөма сьом, ком, паськом и ас сёян-юан.
 И волыны позьлома – кор кытчө модан.

Сэки быдонлон вөвлөма Уджалан места.
 Вөвлөма төжд велөдчөм, бурдөдчөм вөсна.
 Порясь и том Аския Лун сэки төдлома.
 Асыв и Рыт сьылөм и серам кывлома.
 Олом Подувө быдон пуктома ассыс пай.
 Оти кывйон – сэн вөвлөма муывса Рай.

Удал и вынйора вөвлөма Уджалысь Морт:
 Куим юра Антанталы вөчлома горт,
 Коричневой Гидраысь Му шарсө мездлома,
 Космосө, – Төлысь и Марс вылө, – лэблөма.
 Но... Но лада-бур олом пуксьома – вельмома:
 Саравны чөвтөма. Паччөрө кайома.

Узьома. Кыдзи войдөр овлома-вывлома
И мый понда властьсө босьтлома – вунома.
А сәссия, другысьон, мод Оланног ковсьома
И Сюрса Лысө сәк, завидьсьыс, чегома...
Өні, коньөр морт, вөрны – вермө, сувтны жө – оз.
И некутшөм Трон сылы, дерт, оз нин ло. Оз!

Выль сийөс суйисны сьыллө. Сө пудъя норт
Выль Господинлы кыскавны кутас Удж Морт.
Чөвтөм лы вильөдны. Овны-вывны кызд Орт.
Кытчөдз мод кутшөмкө воө, мод, кодлөнкө вок
Төлка мод Нырщикөс вочаавны оз лок.

.....

4

Эг көйы да ылөдз эг и кежавлы –
Бөр вои сәтчө, кытысь и петавлі:
Кызьөд нәмнымлөн дас сизим воө,
Усва-Лемва юяс костса нырд вылө.

Некутшөм вежсьөм сән абу лоома.
Олысьыс вөр-ваө важ моз ветлома
Сөянла. Роч Мулысь зыксө кывзөма
И юрсө жуглөма: – Мый сән лоома?..

А дас өкмысөд төлө, кор нин йөзсө
Вөлі «гөль-озыр» да «гөрдө-еджыдө»
Юклөма и Олом Ладсө жуглөма,
Сәтөн со мыйтор лолөма-вөвсьома:

Тулыссянь арөдз войт абу усьлома,
Быттьө Шондыс Морт вылө ярмөма,
Мусө и васө косьтөма-сотөма.
Гөбөч-амбарьяс тыртөмөн кольөма.

А дедө, – Ёвка Вась, – чомйын олөма
И Рөштво водзвылын сиктө ләччөма.

Лэчъяс тэчиггыр Микул, сэтчӧс олысь,
Восьсея Аким Петра мамлӧн батысь,
Лемваныр д куръяын паныд воӧма.
И, Енмӧй, тшыгла кыз гарсӧ сӧйӧма.
Пырысӧн дедӧ Из сайӧ тӧвзӧма.
Обдорса нянь-сов кӧр вылӧ вежӧма

И куим няпойӧн¹ сиктӧ вайӧма.
Уна семья сӧк тшыг смертысь дорйӧма.
(Аким гӧтыр батыс Вокӧн нимтӧма.
Налы сӧк дас кык арӧс на вӧвлӧма).

5

Сизим во мысти, Урасьӧм тӧлысьӧ,
Бӧвлаыс урсасьлис быттьӧкӧ:
Вына рытыв-лун тӧв юяссӧ куштіс,
Омляліс, горзіс, бӧрдіс и сераліс.
Ныр двывса керкаяс юр вылӧдз тыртіс
Еджыд, гортывса дӧра кодъ, лым.

А кор сӧсса виньдны-жаевны пондіс,
Горшас лытор, тыдалӧ, сибдіс,
Кытыськӧ лёксыс на лёкджык лёк вайис –
Гуысь ли нюрысь куим дадья воис,
И пицала квайт морт нырд вылӧ кайис.
Кузь пицаль помын – ёсь йыла кӧрт...

Лым чирьясӧн ворсӧдчис тунасысь тӧв.
Эз увтчы пон, и битор эз вӧв.
Вӧрдорса йӧрӧ воӧм йӧз сувтлісны.
Пырзӧм керкасӧ гӧгӧрбок видлісны.
Турунысь гаргыштӧм сюръя ӧзтісны,
И йизьӧм ӧдзӧсӧ гуртӧн – грым-м!..

¹ Няпой (ненеч кыв) – обоз.

Лымувса керкаын узисны пöч, пöль,
Тырсьöм кынöма томиник ань,
Да пельöсын öбразянь видзöдiс Ен.
Другысь грымöбтiс. Кодъяскö пырисны.
Чужöмныс – вöрса ройöсьсöм мыр.

– Филиппов Кузь Вась? – горöдiс воддзаыс.
Тэрыба би матöстiс мöдыс:

– Ся, ся, так точно-с, благородь, Кузь Вась –
сыныслөн айыс...

Пöль сийöс тöдмалiс –
Коркö «сарөн» тундраын вöвлiс.

– Где? Где сын твой, старик? Көн тэнад пиыд?
Көн Ванькаыд, гөрд камиссарыд?

– Нальки шёл. Вөр керка. Ог тöд көн. Излань.
Пöрысь пöч моньыскöд жмитчисны стенлань,
Зумыш чужöма Кростос Енлань.

– Прячешь, вражина, своего сына! Встать!..
Из кодь кабырөн черлыö – хрясь!

Пöль дiнö нетшыштчис пöч, горöдiс: – Ой!
И чöла вирöсьсöм джодж вылас водiс.

Дорöм прикладөн моньсö нöйтiс «благородь».
Пöль-пöчлы ассиянь содтiс ас морт.

– Ми öнi тэрмасям, – шуис сэк удтысь, –
Зарни көр стадаöс мырддьöмысь,

Мöд гөрд армеечлысь, кувтöдз врагöлысь,
Вира вöнь мышкусьыс кульыштны ветлам.
Тшайтö бөртиджык...

– Кузь ныра пон тэ, гад! –
Торкис, ымöстiс Ваньлөн бать.

– «Пемöсыс – быдтысьлөн!» – шулöма Енмыс,
И та вылын сулалö муыс.

Пет керкасысь, вир юысь, весасьöй тась!
Мый вöвлi йöзлөн – бөр сетiс Сöвет власть.

- Ланьт, ныр-вомтö жугла!.. – Эн горзьöд.
- Ланьт, пеж попöс чужтысь, ас местатö тöд!..
- Горзöмтö – вунöд, вольной бөр лои морт.
- Оз кö Ванькаыд лок – лöсьöд аслыд горт!..

Кык стöрöж колисны – мунлисны.

Но вой пыдöсас бөр гортö пырисны.

Лөгöсь да букышöсь, синъясныс – гырдöсь.

Быттö «нöшкöд зурасьöм» öшьяс.

... Восьсея Епим, Ярö Яковлön внук,

Усва сайö сэк тшупсьöма тшук.

Öтнас. Батыс горш сар понда усълöма,

И Öльö вокыс бөр абу воöма:

Йöз шуд вöсна юрсö пуктöма.

Затворъяслысь «гольк-тшолк» Епим кылöма

(Шы-горсö налысь – о-ой! – кывлöма).

Сюсь да удал служивöйön вöвлöма

Дай керка öпиньсö дзирйön вöчлöма.

Гырд синъяса войтырысь лызь вылö – скок:

Лымтö вөр матын – кöсьян, он босьт...¹

Помтöм вой – асывлань, но пи, дерт, эз лок.

– Лок, мунам, Кузь Вась, – помасис срок.

Хальмерьюдзыд¹ ми колльöдам тэнö.

– Шондi петöмсö, лёк зверъяс, он венö!..

Зумыш Ен öобразлы пернапас чöвтiс

И тагöссö пöрысь воськовтiс...

Бывлаыс лөньюма – оз нин гарт лымсö.

Вой Кодзув енэжсянь видзöдö...

Тупкисны вомсö. Кыскисны ю вылö.

Суйисны ловйön, понъянöс, Лемваö,

Арсяныс кынмывтöм визув йöрданö.

Му Вежöм кад волiс и сэтчö.

¹ Хальмергю (ненеч кыв вылын) – Покойникъяслön ю.

Гөрд бана Шонді Из сайсянь кыпөдчис.
Став пемыд гурансө югзьөдіс.
Кызди и лымйыс урсасьлөм төлысьлөн,
Шуштөм, ёсь йыла, көртъяссө новлысьлөн
Вуджөрныс вопис, и кок туйныс сыліс.
Тувсовъя лун нырд вылө пуксис.

6

Комынөд воө Абезьын Совет лоөма.
Воөн водз – кык класса школа вощьөма.
Первөй велөдысь – Павел Кожевин. Мохчаысь.
Мөдыс – Я. Рочев – «Кык друг» роман гижысь.

Филат Петра, – Ярө Яковлөн внук, – первөй Пред.
Кузь Вась Гриша – секретарь. Олысь – вит грезд.
Госторг и «Звезда» сэки йөз вылө мырсьөма.
Гажа, выль олөм быдлаын лоөма.

Звер-пөтка и чериыс важ моз на гызьөма.
– Кытчө нө выльсө?.. – шуда ань «бөрдлөма».
Лөз Тундраө ветврач и «Гөрд Керка» воөма.
Быдөнлөн – чом. Көрыс – тшак моз рөдмөма.

7

Өнъя «выль юра» Лидеръяс ватшкөны:
Сиктса олысьяс пө ок ёна и дышмөмны!
Войдөр донса казакысь чорыджыка
Өтув овмөслы паныд коми морт мунлөма,
А өні дас воөн сөмын өти дас
«Кулак» – фермер тай нө и чужсьөма. Вас ис дас?..¹

Но, кызд төдам, Кристос Ен на шулөма:
– Өти ваө кыкысь некод абу пырлөма.

¹ *Вас ис дас?* (немеч кыв вылын) – Что такое? Почему?

Коймод юкөн

1

Внучкасё радейтис пöрысь дед – Ёсько Федь:
Ён-тэрыб көръяс и гөрдөн краситөм дадь,
Кузь сыръя шаль и чунькытш, зарниось, вöли –
Рочакань Марьялөн тыр приданной вöли.

Олісны-вылісны, көръясөс быдтісны:
Ном-лөддзысь видзисны, көйнысь дорйисны.
Лэбач дзольгөмлы и орччалы радлісны.
Югыд Шондісө мам туйө пуктісны.

Матысса чом дорсянь том пастук вольвліс.
Варов пöлькөд тыр-бур баитліс-сёрнитліс.
Видзөдлывліс гусьөник муса ныв вылө –
Эз петкөдлы сөкөл-зон сьёлөм нөйтчөмсө.

Тадзикөн эськө и паметьö колисны, –
Эз кө Роч Муын Олөм Төвруыс вежсы, –
Куим зіль да уджач коми көр видзись морт.
Эз кө кымөртөм сөдз луно енэжыс пот!..

Кутісны кутавны «озырлысь» көръяссө.
Кутісны йөртавны лэбач кодь войтырсө
Колхозö – садөкө – өтув овмөсө.
Нуисны Сөкөлсө көрт таса керкаө.

Мырддисны рочакань Марьялысь көръяссө.
Скөрвылысь жуглісны и гөрд рөма дадьсө.
И зарни чунькытш медым сетөма вöли.
И некытчö пышйыны-лэбзыны вöли...

Копыртліс кок улөдз «бур йөзлы» дзор юрсө,
Юрбитіс Енъяслы пöрысь пöль – весышөрө:
Эз отсав ала сёрниа роч Кростос Ен.
Эз отсав и кывтөм Идол-Бөлбан, хант Ен.

Асланым Ен, – Зарни Ань, – вунёма вөлі – Деда-внучкалысь корөмсö кывтöм вөлі.

– Вылыс паськөмтö пөрччы и чунькытштö куль! – Мөдысь равөстис, быттёкө муувса Куль, Ыджыд и скөр, чуньтöм ки пöла, страшнöй Рай (ад?) центрысь воём уполномоченнöй.

Но повзьём кыиысь оз шед зарни кольчаыс, Дедрон козиныс, оз кө ор чунь йөзвыиыс...

Тшапкис «Куль» нывкаөс кузь мича көсаөд.
Кыскис и нуис пес поткөдлан джек дорөдз.
Джек вылө пуктис ки...
Вына и смел вөлі –
(Комынөд воясö тадз, бур йөзöй, вөвлі).

Ёрөмысь, Енмысь, некутшөм Чөртысь эз пов
(Мед йөз паметгысь оз вушйысь и сылөн ов).
Бокөвöй көр дорын том кадö кынмывлөм;
Унаысь – тшыгъявлөм, вир-яйөдз нөйтлывлөм,

Гөль йөз шуд вөсна би пыр и ва пыр мулнөм
Изъватас морт, вөвлөм матрос – Чуньтөм Ёгор.

Мый вермис вöчны сэк пöрысь дед – Öсько Феть?
Власть кыин – лыйсян, сылөн жö – сөмын койбедь.
Көръяссö мырддисны, – сідз кө нин лои, – мед.
Дадьсö жуглісны, – көртөгыд оз нин ков, – мед!

Зарни чунькытш и сыръя шаль – эз вöвны жаль.
Дзоля чуньпомыс внучкалөн вөлі меджалль...
Вевттис морөснас пöль – уськөдчис чер улö –
Рочакань Марьялысь юсьлөн кодь сойбордсö...

Куим во мысти помасьö кузь Кызьөд нэм.
Шуд и гаж төдлөма мамсянь тьötö ас нэм.
«Но быд узьтөм войö, кузь олөм чөж, – шуö, –

Шуйга нимтөмө ёнтө-юкалө-доймө:
Көсийө быттьөкө, кызди и сэки, – орны...»

Сэкса кадлысь колө и мөд бансө төдны.

2

– Мича нывъяс, Лемва дорө лэччамой? – Лэччамой!
– Мича нывъяс, мыла сылан сыламой? – Сыламой!
Горөдисны, но сылөмныс мыйлакө эз артмы...

– Бурлак зонъяс, нывъяс бөрся – вөтчамой? – Вөтчамой!
– Бурлак зонъяс, гөлөснымөс содтамой? – Содтамой!
Өтүтисны сылөмнысө – зөв лөсьыд сылөм артмис.

Пыжъясө пуксялисны, паськыд юсө вуджисны,
Мөдлапөлө воисны, видъяс вылө кайисны –
Пыр на сылөны, оз и, загреки тай нө, лөньны.

– Наста сваття, кодъяс нө сідз асывсяныс сылөны,
Спокой оз сетны, менсьым пөрысь пель сьөдмөдоны?
– Том йөзыс, Анна сваття, тадз удж выланыс ветлөны.

– Öтарө тай сылөны, оз, гашкө, и уджавны?
Мый нө найө, коньөръяс, видъяс вылас вөчөны?
Ох, дай и ох тай, но и рөбөтникъяс лоины...
Бедьтө босьт да лок, видлам – мыйөн занимайтчөны.

Пельсыяс босьтисны, бөждоръяс көтөдисны – сөлисны.
Кызкө-мыйкө, пернапасөн, югыд васө венисны.
Мудзисны. Пошкигтыр-вашкигтыр бадь костө сайөдчисны.

Лемва сайын – паськыд видъяс.
Сөдз ю сайын – шөвк кодь видъяс.
Урза турун сәні быдмө. Дзоридъяс и өмидъяс.
Асыв – водз на. Лысва – эм на. Самөй пөра ытшкысьны.
Юмов сынөд – апавны. Том лысьбөмөн – ворсыштны.

Мича нывъяс звеноясö юкисны.

Бурлак зонъяс орччөн накөд сувтисны.

Кузь зіб йылö гөрд дөра – флаг лэптисны.

– Ну-ка, нывъяс, коді талун вермалас?

Кутшөм зонка паськыд-шыльыда ытшкас?

Кодös кутам сьылöдны, кодös – величайтöдны?

– Бурлак зонъяс, кодös талун окыштам?

Кутшөм öмидз, кисьмöма-ö, видлыштам?

Коді талун мичаыс, коді медся тэрыбыс?

Видзяс вылö разöдчисны, уджö зіля босьтчисны.

Мича нывъяс юр пунктöны, куртігтырйи – йөктöны.

Бурлак зонъяс, куритчытөг, веж турункөд бертчöны.

Посни челядь юр кыскалö, долыдлунсьыс – сералö.

Пөрнöй мужик – зорөд тэчö, ус-тош улас – нюмъялö.

Пöрысь пöчö – пöрт гудралö, шонді вылö кыйкъялö.

Гожся шонді – зарни койö. Төвру – вөвдөм төлөдö.

«Жвик» да «шварк» – видзяс гөгөр. Гөгөр гажа шум кылö.

Лун шөр воис – пусьысь қорис паськыд пызанъяс сайö.

Ныв-зон пуксис – сөйны босьтчис.

Водзджык – сунліс Лемваö.

Пызан – тыра. Рокыс – выя. Паньыс шыдас – сулалö.

– Наста сваття, коді талун вермаліс, внуко кодös окаліс?

– Öндрейыд? Гөтырсö! Зонъяс – Ириньос.

Кумлөн Парö – «треттөйыс».

Миян Катьö и Аким Ельö – окавтөг эз кольны жö!

– Мада сваття, пöмнитан-ö, кутшöма ми овывлім?

О-ох!.. öткөн пессим-мырсывлім!

Эта мында ми эг вöчлөй: юрсьыс юрö – бергалö!

Но и рөбөтникъяс лоины!..

– Анна сватя, тэ нё кытчө?..
– Гортө. Гортө, сватя. Талун узьны водздзык вода.
Аски чечча – нывъяс костө төрөдча,
Съылыштны, майбыръяслы, отсышта.
Зонъяс, гашкө, аскөдныс видз вылө сэк босьтасны.
Гашкө, и – окаласны!..

«Том оломой, том гажой, мудзлунсө – эг төдлө мой?
Мудйисим ли шняг кыскавлім – отарө сэк съывлімой!
Косным воли – «эта» кызта, косаным – коскөдзным!
Москваөдз юргыліс өд «Стахановеч» овмөсным!..» –

Тадз казътывлісны көкъямысдас өкмысөд воө
Кузь Ваньлөн Парө да Волохова Наста Катъө.
Зарни медальыс мича аняслөн морөсын – тыр!
И мед жө олоны шуда, дзоньвидзаа и дыр!

Но төрыт Катъө мунөма Мөдарө, век кежлө.

3

Комынөд, кыпыд и страшной, вояс.
Ті – кызди кык бана медальяс.
Отарыс – мича и мөдарыс – бур.
Но татшөм медаль – некыс оз сюр.
Көсийы көть эн – Гуг лоө кодыскө.
Медальлөн жө – Баныс донъявсё.

Быд медаль пыр Бан понда вөчлөны.
Выль Олом – шуд вылө панлөны.
Оз отилы-мөдлы. Став йөзыслы.
(Абу нө сідз? Кутам вензыны?)
А мый таыс лолывлө бөрындзык –
Та йылыс төдмавлім водзындзык.

Та кадö Ярö Яков абу нин олöма,
 А олысьыс – Епим внук дорас вуджöма.
 Мыйла? Мыйлакö быд во ойдöдны кутöма.
 Гид-карта и керкаяс йиыс жуглöма
 (Быттьö народсö кодкö пöдтыны босьтчöма –
 Удж ни гаж, олöм-узьöм абу лолöма).

Мыйла, Код? Код тöдö? Лымйыс уна усьлöма?
 Помся пором, гашкö, юясас вöвлöма.
 А «өнiя синмөн» кö видзöдлывны сэтчö,
 Эскöй кöть эн, сэн сöвсем мöд помка тöдчö.

Сэк öд, комынöд воясö, шуам Правдасö,
 Лемванырдиввса морт мунлöма ёрт вылö.
 Важ Енъяслысь Велöдöм олысьыс вунлöма –
 Керка, эмбур и скöтсö ёртыслысь мырддьöма.
 И, гашкö нö, Шондiыс страк сетлöма таысь,
 А Пращурныс грексыныс вöтлöма нырдсыс.

Но Восьсея Епим сэк водзö туй ликтöма
 И сöстöм выль олöм ловзьöдны вöзйöма.
 Дед кодь, шуöны, тёлка-вежöра, вöвлöма.
 И шуда выль асыкөн найöс кытшöма
 (Эз кö вöv «кытшöма» – öнi эз вöv югыд би,
 Эз вöv мир туйкöд йитöд и грездыс – быри).

Сiдз ли тадз вöвлöма, но коркöясö ставөн
 (Сöмын Филат, гректöм морт, нэм олö сэтөн)
 Усва кöдж помö воöма. Колхоз лэптöма.
 Выль грездлы дедлысь ним – Ярпияк – сетöма
 (Важ места – буждлöма, быттьö рач рöч потлöма,
 И öнöдз бур олысь сэн абу овлöма).

Ветымын өкмысөд воё отув овмөсын
 Вөлі сё кызь нель лысытан мөс сизим шы-гидйын.
 Кукань да ыж стада. И пөшти куим сюрс көр.
 Кызь көбыла-уж. Нель порсь. И, дерт, не өти – өш.
 Вөлі сё дорө морт. Нель класс – коми школаын.

Баныс «Медальлөн» сэки вөвлөма кодарын?

... Öнi бөр лои сё дорө морт. Куим классын –
 Дас өти челядь. Кызь сизим өшти шы-шойын...
 Елеч, Никит, Ошвөр, Сивэй – век нин бырлісны.
 Гожөмнас «выль рочьяс» и Мөска Шор сотісны.
 Ярпияк грезд бөр медвойвывса грездөн кольö.

«Медальнымлөн» баныс öнi кодарын куйлö?

Кутшөма нырдыввса ю сайын оліс?
 Нэм помас со кызди Федось пөч казтьывліс:
 «Олім бура – уджыс быдөнлы тырмис.
 Яйсö айö, кызд и быдөн, доддён вайліс.
 Колхозным выль шы и клуб вөчны көсйис,
 Но неминуча суис – вöйнаыс воис...».

Нельöд юкөн

Быд тулыс и ар «Важ Ярпи» нырд вылö,
 Усва-Лемва юяс костса луд вылö,
 Быттьö наваждение – пыр отмында –
 Тури кельöб пуксьывлö.
 Кузь сыліа-кока, паськыд бордъяса,
 Руд гөна дас өти – непарнöй – пөтка.

Бөрө-водзö нырд вывтӱыс ветлöны
И мый йылысь кö сэк курлыкайтчöны.
Видзöдывлöны сэтчö и этатчö,
Быттö корсьöны мыйкö,—
То ли сёянтор, то ли мöд колантор.
.....

Кызьöд нэм нелямын öтиöд воö
Июнь кызь кыкöд лун нель час асывö
Рытывладорсянь сьöд кымör кыпöдчис,
Шондӱ югöрсö вевттис,
И биысь да кöртгысь шера зэр вайис —
Лунвывсянь войвылöдз сотчысь му лоис.

Смертнöй враг Сöвет Му вылö уськöдчис,
Эргигтыр-луйсигтыр-ссылгтыр локтӱс,
Кöсйис, мед ловъяön эз коль ньöти морт.
Кык сюра кöрт юра готт
Кöсйис Олöмсö бөр бөрö бергöдны.
Кöсйис Мунымöс бөр тыртöмön вöчны...

Вира кось вылö сöдз ваа ю вылысь,
Мича сё сывъя кырийвса Епаысь

Бөр волытöг öкмыс мужичöй мунис.
Комын куим — Абезысь.
Сивзэйысь да Фионысь — по öтикön.
Никит — кökъямысön, Елеч — куимön.

Гыа юбокса выль Ярпияк грездысь,
Лемванырды вылын чужлöм йöз пиысь
Мунöмаяслөн вежа ним-овъясныс:

Ванюта Тимö Ёгор
И сылөн Михаил вок.
Попов Филат Петра.
Филиппов Кузь Вась Гриша.
Попов Восьсея Епим.

Сылён дзоля вок – Аким.
Людвиг Мишлөн Евгений
И Артеев Герасим.
И нёшта нель мича морт:
Саньо, Ёльо, Коля, Пётр –
Попов Косьталён ён, крепыд быдтасъяс,
Ёчкаи Ёдёлён – дзоляник оз тусъяс.

Вира кось вылө дас кыкён мунлісны
(Аньяс синваысь – юясыс тырлісны),
Кыз-сьод кымёрысь Шондісё мездісны
И ... «Туриё» пöрисны.
Ловйён нырд вылө бөр воис дзик öти –
Ярö Яковлөн внук, – Восьсея Епим...

Тверьын, Смоленскын, важ Булгар юркарын,
Киевын, Витебскын, Нарва кар дорын,
Венгрия, Польша, Балтика морейн –
Ас и Мөд му – ваясын
Пуктісны юрнысö Лемванырд пиян,
Мед эз ло тыртёмөн му помным миян.

* * *

Ёзьян сисьясöй дай Кыдз Пу корьясöй,
Сё пöклөн Рөднöй землясö дорйöмысь!
Мед көр стада моз йöзыс тiян гу вывтi
Некор эз ветлөдлы и
Мед пыралысьыс, тiянтö видлысьыс,
Бöльнöй му вылас век лоö, век векысь!

2

«Епим дядь – войнасянь, ми – видзсянь локтам.
Гöтырыд – абу! Гортыд – тыртём! – горзам.
Ог и вежөртöй, радсьыным, висътавын,
Мый Ёдö-дядналы ковмис войковтны...
Куим вöйна пыр Епим дядь прöйдитіс.
Ас Енлы эскис. Ся, көнкö, дорйис...» –

Наста Катъё тадзи Ярпийн шуліс,
Кытчö менö таво ускöттö вайліс:
Племянникö арнас тундраын кынмис.
Водэджык, тулыснас, и дзоля чой кувсис.
Бакурса шойнаö век кежлö кольччис,
Но, племешöс колльöдиг, вöтö воліс...

Ныр д пöлөн Абезьö, школаö, ветліс.
Ичöтсянь чойö сьыліс и мечтайтіс,
Кызд коркö уна ныв и зон мөдлісны
Ас öшинь улö мича сад садитны.
Но фельдшер-акушерö велөдчис –
Дас кык во көр дорын уджавны ковмис.

Пусис, чом вöчис и аргыш¹ нуөдіс.
Коми йöзлы-верöслы квайт пи чужтіс.
Но номъя или турөб, көдзыд ли жар,
Шондіа тувсов лун көть зэра ар,
Челядя потансö мыш сайö сөвтліс:
Быд висьысь и вайысь морт дорөдз воліс.

Сиктö волігөн пу ли куст садитліс, –
Томдырся көсйөмсö сьөлөмас видзис, –

Но кор комын вит пу, полнöй вөр, быдмис –
Öзъян сись нога олөмыс – ох! – кусіс...
Югыд му вывсьыс гудөкөн колльөдіс
Бур йөзыс, но... Но вöтам чойö – бөрдіс:

И мый нö нин бара тайö лоис да
И райскöй садйын тай пукала-бөрда.
И воис тай, рай сод вылас вөтөдіс
И медбур воклөн тай медбур шөвк тугйыс,
И медлөк юөръяс вайис му вылысь.

¹ Аргыш – чом көлуй новлан обоз.

И гудок шы тай нин сэтөн оз кывлы.
И шобдi нянь тай нин сэтөн оз сёйны.
И Лун-Оломсö сэн тай нö воштöмны.
И рой пу йылö асьныссö катöмны.
И лэбны-лэччыны тай сэтысь оз кужны.

И сөйтөг-көмтөг тай сэнi олöны.
И «абу-нинöмсö» сöмын юклöны.
И кыз стенъясөн ёртъясысь потшсьöны.
И пурт-пицальяс ёрт вылö лэптöны.
И вина-водкасö пöттөг дучкöны.

И помся содö тай татчö локтысьыс.
И этша чужö тай сэтөн олысьыс.
И оз тай ков налы веж сад мичлуныс.
И оз ковны нин пиянлөн киясыс.
И уна ас вылас кисö пуктысьыс.

И мыйла, майбыръяс, тадзи вöчинныд?
И мыйла, коньöръяс, бырны кöсьянныд?
И кусас, тыдалö, тайö шог-лөкысь
И югыд Муывывса югыд Шондыс
И тшöтш сыкөд тай и коми войтырыс!..

* * *

Дзикöдз тай нэм помлань ваймис Олöмыс:
Бöрдö – Кулöма, жаль сылы Ловъяыс!..
Но мыйöн талун Олöм-би лöдсавны?
Мыйöн комилысь сьölöмсö öзсьöдны?
Код öнi мянлы Водзö Туй ликтас?
Комиöс Код гыа Олöмас доръяс?

Зарни Ань-Енöй, донайй, кöнi тэ?
Отсав, вöйпышт мянлы, – эм на кö тэ!
Кытчö нö дзевсин? Кытчö нö воштысин?
Ассыд быдтастö – Код-мыйысь нö чöвтiн?..
Эн скöрав, зарнийй, – ми тэнö «вунлим»,
Но сьölöмын, пыдын, квайт нэм чöж видзим!..

Палялі сёр – őшиньод шондыс кыйкъялө.
 Гортын – чөв, шөр чойө мунөма кытчөкө.
 Сөмын радио, код көні «тшыгйөдчө», лыддьө,
 Да пач вылын чайникыс пузьөма – мургө.

Көмаси. Ывлаө петі. Пос пөв вылын – вөльд.
 Дзирдалө кымөм нин Усва и пывсян вевт.
 Сынөдыс кокниа лолавсьө. Ма көра. Сөдз.
 Сөйи. Шуи ветлыны ю сайө, нырдөдз.

Войвыв грездын – кызд Юркарын, олөмыс «гызьө»:
 Устөм зон, со, лавка өдзөссө люкалө,
 Пөрнөй морт лов, нель кокөн, сэтчань жө тэрмасьө,
 «Офис» вылын стяг, куим рөма, – «косьмө»...

Туй шөрам доддя – «Бурана» вөтөдіс, корис –
 Пуксы пө, «Ог!» – Лемвалань турунла төвзис.
 Кор нырд помлань матыстчи – (куим верст) – пөсялі.
 Шапкаөс пөрччи – быттьө Паломник лои.

Лемваныр д картаяс вылын – ичөтик чут.
 И ачым, уна йөз костас, тыдавтөм тусьтор.
 Но кыкнанлөн эм, вөлөм, зөв уна йитөд
 Ылі муяскөд – вакөд, йөзкөд да Енъяскөд.

Мирыслы «чут» дас кык Багатыр чужтлөма.
 А менам жө, чужтөм на, лов вөсна усьлөма
 Медбөръя войнаын кыксө комын вит морт!
 Менам, Терентьев ова мича – бур коми морт.

Татөн Ёвка Вась дедрөн керка вөвлөма.
 А Пращурө, колөкө, дон Дон-ю төдлөма,
 Көн өні Райда, муса внучкайө, быдмө.
 Мыйла тадзи? Ним-прөзвище та вылө индө.

«Весел да збой, сяма да – дедыд вöвлöма».
Ёв ва кодъ, – визувöн, – йöз паметьö кольöма.
(Вашка-Мозымын эм Ёв-ты, Ёва, Ёвшор,
Эжваын – Саръёв, Леткаын – грезд Ёвкашор).

И мордва кыв вылын «ёв» и «яв» – визув ва.
А öнiя Москваын – изъватас овлöма.
Кызд первой юкөн мöд главаын шулöма,
Вужйöзным коркö – о-ок! – вель паськыда овлöма.

Бушкала воясö тан Печорлаг олö.
Сюрс пароход-баржа гыа ю йылö катö –
Геолог Чернов сэтись аддзöма из шом.
Мыжа и мыжтöм йöз вайöны – оз тыдав пом.

«Гöрд Пера» – коми-пермяк чой-вокъяслөн пи, –
Фёдор Тараканов танi, невöльной, – вöвлi.
Абезьсянь Сивзэйöдз көрт туй сэк водтöма,
Но юр – пыр вылын кутöма. Со мый гижлöма¹:

«Ась тöлыс пöльтö – уввесö чегö,
Ась сiсьмöм пуесö – кажйö-пöрөтö, –
Вөр сыись оз пов, пессыны рад:
Сiя терпитас и медлёка ад».

Көрт таса садöкын и Зарни Колипкай, –
Нёбдинса Витторным, – Лемванырд пöлөн кайлис.
Кузь куим во Воркута-Вомын мучитчис –
Чужан Муöй, Лöз Тундраöй, – Адөн кажитчис.

«О, вына Крiстосöй, кытчö Тэ видзöдiн?
Мыйла Тэ Сьылысьöс вины-судитны лэдзин?
Мыйла эн ёр сэки сьöд вира войтырсö?
Мыйла эн дорйы Зарни Ен-ёртлысь быдтассö?
Зарни Ань, кызди и Тэ, ковтöм сэк вöли –
И отсавны-мездыны, донаöс, эз вермы...»

¹ «Ой тöv» (Вой тöv) кывбурись юкөн.

Кор таті котравлі – сылысь сьылём кывлі.
Ас Му – нимодны косйи, но Енбиос – вошті...
Простит менө, Челядь Му, эг куж, эг сяммы –
Став олөмөс ковмис «сьод нянь сёйысьөн» овны.

Но-о, сөвсем тай норми – збыль «паломник» лои.
Мед... Некод оз төд – көні ме, мед и «вазыштлі»...
Ветлөдлі, корсьыси, но немтор эг аддзы.
Эжаён-лымйөн тырөма – морт эз и овлы.

Сөмын кыт Ярө Як черила ветлөма, –
Өні сэт турун новлөны, – туйыс кольөма.
Бипур вөвлөма. Пызан. Зорөд сулалө.
Да кодкө со лыа көса пыр тэрмасьө-локтө.

5

Посни кымөръяс костөд Му и Вөр-васө Вөчысь
Пыравліс-петавліс. Шондыс бытьёкө ворсис.
Лемванырды помсянь сылань син-киясөс нюждөді,
И сәки... эг вөтөн, вемөсөн! мөд Аньөс кылі:

– Югыд Шондйөй – Мортөс и Енъясөс чужтысьөй!
Муса Коми Мортөй – биармияса быдтасөй!
Аддзи герб вывсьыд чужөмөс и долыд сьөлөмлы:
Бөръяпом позянлун лои тэн юөрттор сетны!..
Лыдтөм вояс өд ме вийси и бөрді тэ понда.
Сымда кад жө, вөлөмкө, тэ шогсьөмыд и ме понда.

Эн вуджлы кывтө. Куш киөн ош вылө ветлывлін.
Мукөд народъяслы уна шензянтор сетлывлін.
Но кок ув муястө дортөм и помтөмөн лыддин –
Вөрөгысь дорйысиг-мездысиг выльлаө мунлін.
Рөдтө сідз видзин. Но, аслыд казаявтөг, өтчыд и
Менө сәк сьөд вира войтырлы гаж вылө чөвтін.

Тэныд кывтөм-аддзытөм, төдтөм-вунөдөм вылө
Найө йөртисны менө ас мустөм Лов-Вежөрө:

Ог вермы мездысьны и Югьд Му вылө петны,
Эз позь и кыв шуны – быдтаслы кытчөдз ог ковмы.
Өні казытөмыд менө тэ, коланаөн лыддян!..
Сідзкө, кывзы, мый шуа – сэтысь Водзө Туй аддзан:

Нимтө көть веж – выльөн он ло.
Орччалысь важъя өбичсө – помнит:
Тулан, кречет да мой важөн эз ло,
Пармайд – абу нин «саридз».

Берегөдз воан ли пөдан –
Он төд, кор мөдлы пыж бөртө вөзъян.
Сэк, кор топыда пелыстө кутан,
Паськыд и визув ва – вуджан.

Бадь пуысь оз пет Кыдз Пу рөд.
Быд пу му вылас өтнога колан.
Өтмоса рушмө и йывмө быд рөд,
Нюрывса ваөн кө ютан.

Сьөлапи мам кывйөн сьылө.
Ас ногөн руксьöны йөра и көр.
Омлялө бушков – став вөрыс бөрдө.
Вужийд кө ён – төвсьыс он пөр.

Оз сотчывлы дыр өтка кер.
Посни лэбачыс – кельббөн вына.
Леторос рас оз вен пила ни чер.
Друг да ёрт – мед вөлі уна.

Кор пурсьöны кык еджыд пон,
Сёяныс сэки сьөд понлы сюрлө.
Рөд ловтө дорйы и дөзьбөрт, – өд тон
«Өти норт» кыскыны колө.

Му помад – саридз. Дорти – Из.
Пыж-лызтьө он нин выльлаө веськөд.
Медбөръя му-ватө синтө моз видз,
Мөд Биармия ног юргөд!

Мый шуи – вöч! Вежöрыд, тöлк-сямыд та вылö – эм.
Ыръян Руыд на кустöм. Он кө вöч – Ним воштан мен!
Лёксö оломсьыд вöтлы. Сöстөм Олом бөр лэпты.
Сяма-мывкыда мортлы тырмас йöз юрөн овны!

Тадзи, быдтасöй, менö – Зарни Ань Ентö – мездан.
Мöд народъяскöд сэк бөр орччөн пукавны кутан!..

6

Шондiыс пемдылис. Кытшö пöрли.

Югзис бөр. Син-киöс лэдзи...

Дыр-ö «виденьей» кыссис – ог тöд.

Кыла – чуксалö кодкö мöд...

– Ой! – вежапи тай воöма. Горзö:

– Машö тьöt воштöма, бöрдö!

Туйыд – юкмöслань, гашкö пö, пöдин!

(Кыз он пов – кык «шöрыс» колим).

– Сидзи и тöдi, мый татчö локтин!

(Коркö та йылысь сёрнитлим).

– Кодлы нö юрбитин? Пуксы, мунам!..

И нырдсö шызьöдис «Буран».

... Асывнас, водз, ветлöма Абезьö –

Новлö почта, груз – лавкаö.

«Ловпуыс» – Ярö Як рöдысь лоö.

Кык мöс, кык пи и ныв быдтö.

Восöбыд ноксьö. Сöветөн – юксьö.

Аскиа Лунö, дерт, эскö.

Югыд чужöма, сöдз вежöра, збой.

Тьöзаыс – Гагарин-герой.

Нырды юяссö кытшовтi синмөн.

Вевтти юр пыдöс шапкаөн –

«Прöщай, Лемванырд!» – мыш сайö сöли.

Киён öвтыштi. Бөр норми:

«Вола-ö нöшта ловъяөн татчö?
Ен шуём – кылас-ö кодкö?...»
Ю шöрас Нырцик лөньюдліс «вöвсö»:
– Эн пов! Мездам Зарни Енсö!..

Бöркыс

Лемванырд, коми мулön ичöтик чут,–

Мед Лым, Зэр и Ном эз бырны тэ вылын.
Мед и Кöдзыд Пöль эз вунöд төвъясын.
Мед тэнö Войпель Омöльысь видзö.
Мед Шондi – шонтö, а Востым – гажöдö.

Мед юясад бөр гөрд чери рöдмисны.
Мед луд вылад пыр пемöсьяс сёйсисны.
Мед гыа ю саяд Ловъя век олö.
Мед Тури кельöбөн Усьöма волö.

Мед коркö и пиöй тэкöд тöдмасис.
Мед и внучкаöй тэ вывтi котöртліс.
Мед сизим кöленаöдз рöдсö тöдіс.
Мед найöс Пращурö син улас видзис.

Мед коми Рöд сөвмис, сюсь, вежöра вöлі.
Мед Греция-Индия пуктісны пыдди.
Мед дивнöй Персия меддивнöйсö вöзйис.
Мед тшапитчысь Англия – удждысьны воліс.

Мед енэжöд-муöд локтіс Азия пыр.
Мед и Скандинавиягысь волысь эз быр.
Мед Зарни Ань бөр Коми Му вылö воис.
Мед лёкысь дорйис, велöдіс, öтвыв оліс.

Мед зумыш чужома Ен Суседнымос видзо.
Мед шуда асыкөн сійос дорё и кытшö.
Мед туйсö История бурланьö кежодö.
Мед и суседъяскöд лада, сöгласа олö.

* * *

«Лемванырд», йöз сьолöмъяс вöрзöд чуть-чуть!

1998-öд декабр – 1999 вося март



Из сайсянь гөрд шонді рөдтө

Бипурным ваймөма, чискө, –
Оз нин пет чом юрөд тшын.
Гөтыртөм зон орччөн нисткө.
Узьтөмөн колис вой джын.

Пращурным сюсь мортөн вөвліс:
Мед эз вөв тыртөмөн пөрт,
Тундраын көр видзны босьтчис.
Ныв-пиыс пыр лоис пөт.

Аддзывліс зэрсө и номсө,
Дубөдліс чужөмсө төв.
А сылысь радлун и шөгсө
Юкліс пыр нывбаба, – «пөв».

Ижемка эз вөвлы родысь,
Мудзліс и кынмывліс көть.
Сөвмис и водзө мед рөдныс,
Отсасис көр видзны тшөтш.

«Изьватас» ним на ми новлам:
Оз повзьөд көин ни сан.
Мый ради өні ми олам?
Мыйла ми өтнасөн тан?

Мый өні нывъяскөд лоис?
Некыз ог вежөрт, ог төд.
Ижемка «полысьө» пөрис.
Көр дорө петны оз мөд.

Сэні пө лөддза да номъя,
И озыр зэръясөн ар.
Аргыш пө вель уна доддя,
И быд лун – оланін кар.

Аслыным чом вöчны колö.
Асьным и пузьöдлам тшай.
Кöр видзöм энöвтны лö.
Тундрай, мада, прöщай!

Оз кут тан кывны пон увтöм,
Кыз челядь гөлöс оз кыв.
Ланьтас и кöръяслөн руксьöм –
Ва паныд, кöсьян, он кывт.

Кывзысьö мича ныв мамсö.
Мам ногөн «сьылö» и ай.
Мöд муысь вайöны няньсö.
Ковмас и ньöбны кöр яй.

Ижемка, коми ныв, кылан, –
Серав кöть таысь, но тöд, –
Отсасьны ки пöв моз колан,
Эн бырöд кöр видзысь рöд!..

Ёртöй со садьмöма, ёрччö.
Оз жö лок коньöрлы ун.
Из сайсянь гöрд шондi рöдтö,
Вайö мöд выль гажтöм лун.

Енмöй, видз

Улич шöрöдз вензьöм кылö.
Суседьяслы – деливö.
«Выль роч» сайö коми нылöс
Вöзий мамыс, шуд вылö.

Но муса дрöчка, мый грекысь,
Помся дольö мöд йылысь:
– Ог, ог пет , мамö, ог кывзысь,
Меным любö кöр видзысь!

– Жөникпулөн эм патера,
Джип и дача, «баксыс» – тыр!
– Сылөн эм жө шоныд керка,
«Буран», пыж и яй эм пыр.

– «Выль роч» өні Му выв олысь!
Пет сы сайё, эн вензъысь!
– Съём чукорсыд овлө-й бурыс?
Личкө лов, он ло узъысь.

– Барыня моз кутан овны:
Вылад – зарни, кынём – пёт.
– Аслам киён косья вурны
Малич-парка, төбөк тшөтш.

– Кывзы мамтө, лёк ог вөзйы,
«Зэра лун» мед тэ эн төд.
– Абу сёйысь, ог ме нильзы,
Меным жөник оз ков мөд.

– Көр видзысь тэн абу пара!
– Пара, пара, мам, эн бөрд!
– Чомсьыс воас – юсяс бара!
– Абу сыа ва шыр рөд!

– Тшына чомъяс гөннас тыран,
Адөй, адөй – оланін!
Мый бес вылө сэтчө нырччан?!
Баба рөд сэсь пышйөм нин.

– Нывбабатөг сәні ваймө
Важъя коми оласног.
Өззөдны бөр сийөс, мамө,
Сьөлөм шуө – менам мог.

Сәні ва и сынөд сөстөм.
Завидь, горшлун оз ов сән.
Коми йөзлөн көр дор олөм
Медым оз кус локтан нәм.

– Ном-лөддзис сэн кымөр мында,
Олас тэтөг көр видзись.
Ставыс вийсё ас шуд вöсна,
Пет роч сайё, Ен могысь!..

– Мусюръяс – кыз саридз гыяс,
Гөгөр дзоридз, лэбач шум,
Эзысь шоръяс, юяс, тыяс!..
Наись некор ме ог ум.

– «Виль роч» тэныд дзоридз нёбас,
Кöсьян – быдса миллион.
Тöвнас Войпель тэнö кынтас,
Гөгөрвоан тайёс, он?

– Көр воль вылын кокöй кынмас–
Мусук ошкös кыйöдас.
Веж кöдзыдысь ныр-вом йизяс –
Топыджыка оқыштас.

Мича нывъяс сылы чужта,
Ас кок туйö веськöда.
Паськыд, мича, зумыш мусö
Повтöм аньясөн тырта.

– Курыд тшыныс чегас синтö,
Кöдзыд ывла вуштас мич.
Курччан сэки тэ гырджатö!
...Йöймöм нылös, Енмöй, видз!

Мыйла лов вылын сьӧкыд...

Кор уна нэм сайын ми
Пемыд вӧр костын овлім,
Нюжӧдлім енэжлань ки –
Отсӧг Енъяссиянь корлім:
– Зарни Ань, Войпель и Кыдз,
Коми войтырлӧн Енъяс,
Вӧчӧй жӧ, донаяс, сідз,
Мед тыр вӧліны чӧсьяс!..

И воліс би дорӧ кӧр.
Ваыс черисъыс пуліс.
Шуда лун пуксъывліс бӧр.
Водзӧ олӧмным тюрліс.
Но сетім керавны Кыдз.
Войпель Еннымӧс вунім.
«Тшӧктіс сэк олӧмыс сідз!» –
Бӧрас йылӧмлы⁹ шулім.

Ӧні Парманым югыд,
И быд лун кынӧмным пӧт.
Мыйла лов вылын сьӧкыд,
Синва сӧдзтысьӧ сӧдз?..
Вӧтӧ бӧр воывлӧ Кыдз,
Вежа коръяснас ӧвтӧ.
И Войпель воывлӧ сідз.
Зарань пемыдас бӧрдӧ.



¹ Йылӧм – челядь, потомство.

Төрытъя вөт

Эссе¹

Шуан да, шуома лоо.

Коми шусьог



Фильо Степан лосьодыштис пельпом вывсьыс гона курткасö и видзöдлiс енэжö. Вой кежлас ывлаыс сэздöма: сэн и тан мыччысьомаось кодзувъяс. Бөръя воясö шоча видзöдлывлiс войся енэжö, но синъясыс, велавлöмаось да, пыр и адзисны Ыджыд Кöвшлысь кодзувъяссö. Сэсся думнас нуöдiс Кöвш веськыд бокöд прамöй линия, и синъясыс тшукисны Вой Кодзулö, а сыысь неуна веськыдлань пöртмасис вит югыд кодзула Кассиопея. Тöвся лөнъ рыт. Орчча кык судта кер-

каяс вевттысьсö-маось вевт горулöдзыс кыз лымйöн, унджык öшиньыс битöм нин. Некод некön эз тыдав, сöмын шöр улич кузя прöйдитiс-мöдöдчис карлань, тöдöмысь, медбөръя автобус.

Фильо Степан öзтiс папирос, азыма кыскыштiс курыд тшынсö и, кадысь кадö вералысь кодзувъяс вылö видзöдлывлiгтыр, кутiс ветлöдлыны кильчö дортi. Тöрыт сылы петкöдчис вöт, челядьдырся вöвлöмтор, быттьö ичöтик Степан чеччыштiс мам көра даддысь и еджыд нитша мыльк вывтi котöртiс визув шор вомön öшöдчöм Öшкамöшкалань. Кöсийс кутны öтарö ылыстчысь öшкaмöшкасö мамыслы, аргыш нуöдысь пöрысь Парö бабыслы и став бур йöзыслы шуд вылö. И таысь, тыдалö, öнi тöд вылö усисны коркöя татшöм жö рытъясö кодзула енэжö видзöдлывлöмъясыс да аслас öти уджтас, кодöс гижигön тöвся енэжысь шемöсмöдана петкöдчывлöмъяссö адззывлöмыс нэм кежлö колис вежöрас.

¹ Эссе – прозаын неыджыд гижöд, көнi сёрниыс муно кутшöмкö лöмтор йылысь, мөвпъяссö авторыс висьталö-восьтö ассяннысджык, оз зiль кутчысьны ён сюрöс-гөрöдö. Эссе тшöкыда муно очерклань. Овлöны литературнöй, философскöй да мукöд пöлөс эссе.

Армиясы воёмсянь Фильо Степан, көр видзысьлөн быдтас, уна во уджаліс карса өти ыджыккодь заводын первойсө слесарён, мастерён, а сэсся – оборудование дзоньталысь механикөн. Уджыс вөлі сьөлөм сертиыс, эз лёка справляйтчы, бөрийивлісны комсомол и профсоюз комитетө веськөдлысьөн. Чужис-быдмис Совет власть кадө и пыр корис-чуксаліс йөзсө кутчысьны социализм оласнога олөм дор. Но другысьөн став страна пасьтала кутісны вежмөн пазөдны уна вося олөм ладсө. Еджыдсө шуисны сьөдөн, сьөдсө – еджыдөн. Тальөма лоис олөмчөжся идеалъяс, көсийөмъяс да олөм мыджөдъяс. Дзугисны экономика йитөдъяс, эз ло удж, и ковмис энөтны рөдимөй заводлысь стенъяссө, янсөдчыны тшөтшъяяскөд и томдырся ёртъяяскөд. Радейтана удж пыдди мыркны сьөд сьөкыд удж.

Та пөраө жө быттьө кыз сьөд кымөр өшөдчыліс юр весьтө и шера зэр кутіс гылөдны-лөбөдны Степанлысь өта-мөд бөрся став матысса рөдвужсө. Сизим воөн нуис дас рөд мортөс. И став тайө шог-лөксыйс, быттьө арся сьөд войын пемыд вөр шөрө веськалөм мортлөн, бырлі надеяыс бөр коркө петны Югыдинө.

И сэки Степанөс мыйлакө өтарө кутіс кыскөмөн кыскыны челядьдырся төдса местаө, юркарянь пөшти кык сюрс километра сайын қуйлысь кык юкостса луд вылө, ю нырдө. И кызди и та рытө, узьөм водзвылын ывлаө петавлігөн, сэзь енэжа рыт-войясө кутіс тшөкыда адззывлыны кодзувъяслысь войыввлань, сэтчөс нырдладор, гылалөмсө. А мукөддырйи и посныдик эзысь бикиньясысь енэжас артмывлісны сэтчаньө мунан-нуөдан туй-визьяс. И здукъясө таысь Степанлы кажитчывліс, мый челядьдырся төдса местаыс корө-виччысьө, и кодкө дажө сәні сылы мыйкө шуны-висьтавны көсийө. А збылысьсө жө, пензянаыс таын сийө, мый тайө нырд вылас уна дас во нин некод оз ов. Дас өкмысөд нәм шөрө сәні чужлөма ичөтик грезд, но кызьөд нәм комынөд воясө олысьыс вуджөма нырд веськыд бокса ю сайө. И та бөрын сәтөн вөвлөма сөмын лагерной сельхоз участок. И сулавліс нырд помас Фильо Степан зэв ичөтөн, кор на велөдчис ю сай грездса школан, а верстьөөн сөмын вомөнавліс сийөс кутшөмкө мөгөн. Нырдыс ва сайын, и рөдвужсө кольбөдны волігъясөн этша каднад сэтчө ветлывны эз удитлыв. Да и эз волы сәтшөм мөвп юрө.

Кык-куим во мучайтчис-майшасис таөн. Но өтчыд сэсся дөзмис гадайтны-артасыны и шуис: – Ставсө, мый нырдкөд йитчөма,

төдмавны и гижны кабала вылө. Өти-кө: тайё лоё челядьдыр мулысь историясё туялөмөн и коркө ковмас водзё олысь том йёзлы. Мөд-кө: гижиг-мөвпалігэд, гашкө, и сюрё помкаыс, мый вöсна и коді корё-кыскө Степанёс тайё тыртөм местаас.

Татчө колө шуны, мый грездө волігъясө Фильё Степан пасъявліс нин важъя олөм-вылөм йылысь кутшөмсюрё казътывлөмъяс. Корсысис да аддзис-төдмаліс Ыджыд война вылө мунлөмаяслысь ним-овсө. Но водзынджык шулөм шог-лөксыйс став тайё уджсө вөлі чөвтөма-эновтөма.

Луннас – удж вылын, а рыт-вой пызан сайын нелямын куим лун вылысь лукйысис Степан аслас гижөдъясын: йитліс висьталөм-казътывлөмторъяссө өта-мөдкөд, стөчмөдіс найёс печатьё веськавлөм юөръяскөд. Өти кывйөн – кытчө вермис, сэтчө и синпельсө суйліс. И кык помся уджсыд сэтчөдз мудзис, мый өтчыд таысь пöшти сутки садътөг узис. Повзис, мый тадзнад кувны ли «вөрзыны» вермас, и босьтіс өкмыс луна отпуск.

А уджалөмысь сэки сьөм эз сетлыны, вештысисны сёян-юанөн да мукөд сэтшөмторйөн. Пекнича рытө Фильё Степан удждіс суседыслысь кык сюрс шайт, – өнія кык шайт, – и, медым водзё гижигас вылысыс вөлі сэтшөм жө сөстөм, кызди и мөвпъясыс да көсйөмыс, – муніс пывсянө. Кыкысь сотан ру костө пыравлөм бөрын локтан уджө мөвпъяснас вөйтчөмөн пуксис лабич вылө, и сэки кодкө быттё шөпнитіс-шуис Степанлы пеляс:

– Нырды вылас тэнө дедыд корө.

– Мыйла нө?.. – вексянь нин виччысьөма, буракө, татшөм юөрсө да эз и повзы ни шемөсмы Степан.

– Медым ловнад эн усь да водзё бур вылө олін!..

Бөрти мөвпыштисны өтвылысь гөгырыскөд и збылысь өд, батыс коркө шуліс Степанлы, мый дедыс сылөн, аспом көр стада видзысь морт, нырдвывса олысьлысь нёблөма керка и пöрысьладор сәні и олөма. Көр стадасө дөзбөритөмаөсь верстыөджык пияныс, а ачыс, мастерөвөй морт, карсьөма-вөчасьөма: вузөс вылө лөсьөдлөма мичаа краситалөм көра додь-дадыяс, вөчлөма гөгрөс пызан и шкап.

А гражданскөй война кадся тшыглуна воө, кор мукөд көраяс матө эз сибөдчывны тшыгъялысь сикт-грездъясөдз, – тайёс Степанлы батыс кулөм бөрын нин висьтавліс өти пöрысь нывбаба, – сылөн дедыс йөз корөм серти куим аргыша няпойөн ветлөма Из

сайо, ош тушаяс выло вежом-ньюбома, судзодома сатысь нырд-вывса олысьяслы нянь да сов. Аслас кор яйон сэки, колоко, юк-сывлёма и. Кутшомко буртор вочломысь оти нывбаба нэмсо нимтис Степанлысь батысо вокон. Дедсо пыдди пунктот ради сылон ай-мамыс, конко, велодлисны сидз шуны откодь арлыда зонмос.

Дзебомаос паськыд кымоса мича мортос грездса шойна вылын. Но медся шуда кадыс дедыслон, тыдало, тайо нырд вылас и кольлома: орчон вломаос сылы муса йоз, кодыас и сийос радейтломаос. Сы всна и, – татшом кывкортот вочисны сэки шензодана лоомторлы Степан гозья, – «корис» они дедыс дзуго веськалом внуксо, сы ног жо кужысь кияса ассыс виртусьсо, аслас коркоя медшуда местао. Шулони тай, – пращурным по енэжсянь ми борся видзодо.

А батыслон уна во сайса шуломыс Степанлон вунома воли сы всна, мый нелямын во кордорса чомйысь отдор найо семьялон эз вовлы некутшом мод оланін и нырдыввса керка йылысь каз-тыломыс век кажитчис мойдон.

* * *

Эз окмыс лунон, дырджыкон, но помалис Фильо Степан нырдкод йитчом вовломторьяса гижодсо. А родсо гылодысь вына зэр сэки эз на вов помодзыс кобома и кык во мысти Степанлы бара ковмис ветлыны грездо – медборья туйо колльодны ыджыд чойсо. Кадыс сэки тырмис, и олыштот борын вежапиыс нуодлис «важ грездо» – кык юкостса луд выло. Ю йывьясод мунот зерь-ясысь ваис воли туома, некытчо сибдывтот мотора пыжон шурк-нитисны самой нырд помодзыс и здук мысти волины нин сы вылын.

Нырдыс – кызди нырд: ота-мод бокот муркйо-визувто ю. Только вот самой нырд помас ваис, кызди морт оломын шуд, оз быд лун овлы: товнас и кос гожомо юяс костас куйло кыз лыа коса. Век кежло жо юясыс отлаасьоны сомын сизим верст кузья кыдза-козья вора ди прейдитот борын.

Ва веркосьянь нырдыслон джудждаыс метра кызь-кызь кык. Отар бокот тшуподьясон кайо-быдмо сук бадь, а модарыс – весь-кыда моз лэчысь креж, кодос быд во зырто-жугло йияснас асыл-луныввсьянь вор-видзьяс костот кытшолон локтысь ю. Сы вывти кузья да яснот тыдало Урал-Излон еджыд сорсьяса мыгорыс. А

войвылын, паськыда шлыггысь мөд ю катыдын ылын-вылын дөввидзё, пыкё тундралысь ляпкыд енэжсё, гёра-из кодъ жё пемыдлөз Мусюр. И ва кывтчөс, шондї воча кузь ді пөлөныс видзөдїгөн, вөр-ваыс сярвидзё-тыдалё кытчөдз синмыд судзё. Гөгөрбок лөсьыд да лов вөрзёдана войвывса серпас.

Батьон шулом да йёзон стөчмөдөм серти Фильё Степан адзис дедыслысь керка местасё. Ваыс сійөс ставнас жё нин кырёма. Ичөгика кольом юкөнас турун пуктысьяс быд во вөчлөны бипур. Сулалё лабич. Пызан. Неылын зымвидзё сэкся совхоз овмөслөн ыджыд зорөд.

Степанлы олөмас мойвиліс волены помтөм-дортөм Обь ю вылө. Адзывліс и нимкодясьліс енисейвывса шемөсмөдана местаясөн. Кывтліс Волга и Эжва кузя, юліс васө веж гыяса Амур-батюшколысь. Но некөн эз казявлы, көні эськө сьөлөмыс сьлөн сэтшөма сьылөмөн сьыліс, кызди сәні – пөль керка местаын.

Дедыслөн оласногыс да корөм местаас волөмыс бурөдісны сәки Степанлысь ловсө: коть кутшөм Олөм да Кад эз вөв – век колө надейтчыны бурджык лун вылө. Уджавны, вердны-быдтыны семьятө и кольны мортөн: отсавны овны и орччалы.

Важөн нин кувсьылөм дедыслысь отсөгсө позьё, дерт, нимтыны мистикаөн, самовнушениеөн либө кызкө мөд ног, но карө бергөдчөм Степан эз нин вөв «вөр шөрө ылалөм» мортөн, кыліс асьсө зумыд-крепыдджыкөн, «пемыд войыскөд» Югыд Лун вөсна водзасяны вермысьөн.

Но өкмысдасөд воясө өд эз өтилөн олөмыс вежсьы лөкланьё. И эз вөв сәки быдөнлөн сы коддьөм «отсасьысь» пөльыд. Коді, кызди да мыйөн отсалас налы?..

Самөй сы луно, кор Степан воліс челядьдырянь төдса нырд вылө, грезд горувса ю катыдын арся енэжөдз пуркйис-кайис сьөдсьыс-сьөд тшын. Сотісны сэтчөс совхозлысь мөс видзан картаяссө. Уна во сәні уджавліс ыджыд чойыс, и нәмнысө олісны-уджалісны воча чойяс. Ыжыдджыкыслы бур уджысь сетісны Трудөвөй Гөрд Знамя орден. Но гуысь ли нюрысь петөм «выль рочьяслы» эз кут ковны-лөсявны ас йөла вөлөга. Пөшти кык сюрс лыстан мөс лэдзисны пурт улө. И көні олөмыс пуөмөн пуліс, эз ло некутшөм удж. Эз ло югыд би. Тупкыссис школа. Некөн пөжавны няны!.. И татшөмторйыс лоис сәки не өти сикт-грездын.

«Гөгөрвотом реформаяс сотан төв моз косьтöны-сотöны, дерт, оз сöмын коми войтырлысь олöмсö. Но Природаон вöчöма сідз, мый быд ловъя лов медпервой старайтчö дорйыны-видзны ассьыс рöдсö. Мый лоö коми народнымкöд матысса кызь-комын воон?.. Сэн и тан пикö воом морт помалö ас кион олöмсö. Юсьöны-лэдзчысьöны, чужтöны ляб да висьлöс ныв-пиöс. Кулысьыс вевтыртö чужысьсö. Уналаын бөр тупкысьöны «перестройка» кадö здук кезлö ловзыльöм коми школаяс, и таысь водзö бырö-вошö коми кывным!

Ужас и страх босьтö таысь! Но сотан төлысь некытчö пышйыны ни дзесбыны. Ог и казавлöй, кызди тувсовъя лым моз и бырам!..» – татшöм шог-курыд мөвпгъяс кутисны майшöдны Фильö Степанöс карö бергöдчöм бöрын.

«Но помся няргыны да кыккирудз кö пукавны, то помыд вель öдйö и воас, – водзö мөвпаліс сэки Степан. – Колö быдöнлы, тшöтш и сылы, мыйкö да мыйкö вöчыштны-вöзйыны ас войтырöс дорйöм могысь. Не сöмын ми, уна мукöд народ та выйöдз жö волісны, а кызкö öд венлісны ассьыныс сьöкыдлунгъяссö и бөр паськыда нималöны шондіа му вылас?..»

Уна во производственной коллективъясөн да профсоюзөн вескөдлігөн велавлöма төждысьны йöз вöсна, а киссьöм станокъястö «ловзёдігад» öтарö ковмывліс корсьны кутшöмкö да «петан туй». И öні сідзи жö эскис, кутіс надея, мый эм и тайö гудыртчöм кадö кутшöмкö мыджöдтор, мыйö эськö позис коми войтырлы кутчысьны и бөр крепыда сувтны кок вылö. А сідз жö не «рочмыны» öтарö, не воштыны ассьыс кывсö, а водзö овны-нимавны ас кыла-кыввора аслыспöлöс народөн. Но кöні, коді-мый тайö крепыд опорайс?

А, гашкö нö, кутшöмкö морт тайö мыджöдыс?.. – эз öтчыд юавлы ассьыс Фильö Степан. – Коми йöз пиысь öд петіс уна нималана йöз, и эз на жебмы Коми му төлка-вежöра йöзөн».

Но летописьяс серти төдса Пама-сотникысь öдтор комилөн некор эз вöвлы вына Лидер-герой и матысса кадö, тыдалö, оз на ло. Куш кион ош вылö петавлысь пöльяслөн йылöмгъяс мыйлакö оз лысьтны, оз радейтны суйсьыны власть бердö. «Но мыйкö öд эм жö му вылас сэтшöмтор, мый эськö вермис отсавны комилы?.. Кöсьян ли он, а колö ас юрөн овны», – водзö мөвпаліс тадзи сэк Степан.

Вочакывла ковмис водзё, пыдоджык нырччыны Историяё. Вылысь «водзён и бөрөн» лыддис Н.Карамзинлысь «История государства Российского» книгасё, тодмасис откымын философской уджён да нималана коми йёзлөн гижодъясён. Пыравлис отсёгла и вежа небөгө – Библияё, Вель Заветё. И абу весьшөрö, вёлөмкө, шулөмны: «Корсян кө – аддзан!..» Аддзысис мыджодыд. Мөвпыс Степанлы юрас воис удж вылын, пажын дырйи ен книгасё лыддигөн, да древной Архимед моз муртса эз город «Эврика!» доминоён клопöдчысь уджёртъяслы. Тайö мыджодыс – Ен!

Талун, кад кольöм мысти, Степанлөн весиг аслас нюм-серамыс петö сакся челядь сяма, наивной, ас вежөр вылө. Сы вöсна, мый быд морт да народ му пуксьöмсянь нин тöдöмны, вёлөмкө, тайö мыджодсö. А сылы жö, Степанлы, көть и эз öтдорт Ентö, но мыйлакö юрас некор эз волы прамöя дум ни мөвп, – мыйла, мый понда, мый ради сийö колö йöзыслы. И аддзöмторйыс Фильö Степанлы сакси петкöдчис Син Восьтöмөн. И таысь вöчис аслыс кывкортöд, мый кор оз коль некутшöм вера ни эскöм некутшöм партия-ютырлы и ньöти «ыджыд мортлы», сöмын Ен вермас лоны пыкöдөн воысь-во бырны пондöм войтырлы.

Быд Ен ловъя, кытчöдз көть öти морт тöдö, эскö да нимöдö сийсö.

Но кутшöм Ен динö кутчысьны, Енмыд öд му вылас уна. И көть ставныс, шуны кө, öткодöсь и ставныс чужлöмны öти могөн – отсавны мортлы овны «морт ногөн», но йöзыс наысь вöчöма аслысьяма Иерархия, юклöмаöсь ыджыд да ичöтъяс вылө. И, сідзкө, думыштны на колö, кодöс сылөдны-нимөдны да код динö шыасьны отсöгла?

Африкаса Енъяслы, дерт жö, мог абу миянöдз. Юркарса баптистъяслөнлы – сідзи жö. А православной христианской Ен вель уна буртор вöчис, вöчö и вöчас на, колөкө, коми мортыдлы. (Оз öд весьшөрö талунъя откымын коми поэт камөдны та йылысь морөсö.) Но асьсö народсö, кызди аслыспөлос кыла-кыввора народсö, му вывсьыс бырöмысь öдвакө доръяс. Көсийö, но оз вермы. Народсö видзöм могысь медпервой колö видзны-дöзьöритны сылысь кывсö. Эм кыв – эм народ. А христианской вераа проповедникъясыд оз тöдны и оз вылө пуктыны коми кывтö. И уджныс налөн отсөг пыди уна нэм нин дзик мөд нога артмö.

Коть кутшом народлы, а вын сертиыс тайо,— сомын Енлы, кодй кыв пырыс тодо мортгыслыс пытшкос ловсо, русо и этшсо, сылыс сямсо и вын-эбоссо, тадзи велодоны История, Библия да вежора йоз. И Пармаыс петлом войтырлы, сидко, сэтшом мыджодон, вермо лоны сомын ас важья «языческой» Ен. Асланым важья Заранным, кодос «ловья енъяскод» олигад вунодлим, но, веськыда шуны ко, пыди съоломын век жо ми, коми йоз, гусьоник видзим. Квайтсеыс унджык во. Кызди важон нин готрасьлом морт видзо съоломас медводдза радейтчомсо. И кызди мам тодо ас кагалыс быд чут да родимой пас, сидзи жо Заранным тодлис и тодо ас быдтаслыс гусо и бансо.

Быд народлон, кызди и быдмог-пуяслон, выныс да аслысполослуныс локто вужсяныс. Сидко, коло водзо тодны да пыдди пуктыны, сьылодны да нимодны ассыным важья Еннымос, отувтычыны сы гогор и Сийо отсалас мянлы, коми войтырлы, венны да быродны став сокыдлуннымос.

СОМЫН ас коми Енлон кыв, сылон Тшоктом-Войпом-Велодом вермас кыподны мудзом мортлыс ловсо да ышодас эскины аслас вын выло.

СОМЫН сы нимсянь олодны вермам бать-мамсо и ассыс войтырсо мукод йоз водзын янодыс лэдзчысьом-юсьом мортос.

СОМЫН сийо велодас бур выло том коми йозсо ония вежавидзтомлуна кадо, чужтас радейтом-муслун чужан кыв да кок ув му дорю.

Уна диалекта да быд сикас «тасьясо» юксьом-разодчом жебник котырьяссо отувтас отув могьяса ен-вына кельобю.

СОМЫН ассыным Еннымос тодомон да нимодомон ог вошой ми уна йоз костас, ог йывмой и дорьям-видзам асланым культуралыс сийо аслысполослунсо, мыйон торьялам мукодыс.

Но медся сточа та йылыс висьталю оти коми шусюг:

— Пыис вогчо мамыс борся биа пескон, а мамыс горзо: «Пию, кийд мед оз согчы!..»

Кывкортюдыс тани гогорвоана быдонлы. Ас мамыд — ас мам и эм. Медборья здукодз тождысьо ас челядь восна. Сэтшом жо и ас Енмид. И код тодо, колөко, они на сыа мянтю омольыс-быромыс-висьомыс гусьоник видзо, квайтсе во чожнад од эз нин оти съод пемыд «пужья вой» пуксьыв коми юр выло.

...А «языческой» Енъяссыд толка-вежора морт некор эз пов-

лы. Язычество, – ас йёз кост эскөм, – некор эз өшөдлы ассыыс видзөдлассө мөд кыла йёз вылө, толькө дорйө-видзө ас войтыр-лысь Олөм да Лов.

Сэки, кор Степанлы юрас воис «Эврика!» горөдана мөвпыс, окота лои кодкөдкө та йылысь сёрнитны-юксьыны, а лөсьыд да дельнөй кө сийө, то и войтырсө төдмөдны. Но кызди?.. Трибуна прөстөй мортлөн абу. А сюръя йылө кө кавшасян да сэсянь кыв-бертны кутан, то сэк, небось, ылөдз и быдөнөдз кылан, да отитор лөк – лэччөм бөрад ас вөлятөгьд «өтилаө» мунан.

Сидзкө, мед тэнө кодкө кылис, кольө өти туй – гижны. Кужан ли он – тайө мөд делө, но гижөматө, шулөны, весиг пө чер оз венлы.

Фильө Степан тайө туйөд и воськовтис сэки.

Медводз юксис төдса гижыськөд. Мөвпыс сылы кажитчис, ошкис и весиг дажө «пыртчывлис», – сямөдө пасйөм ань мыгөра талисман сыылас өшөдлис, – но бөртиджык, мыйлакө, мөд Енмөс лунысь-лун сыылөдны кутис.

Гижис думъяссө кабала вылө и петкөдлис-лыддис мөдлы, но вутшъя-лөмъя гижөдсьыд кывзысь ёртыс унмовсис. Мый нө и керны?.. Чөвтчыны?.. Но кыкнанныс өд мөвпсө «Абу шыбитана» шулисны! Сидзкө, позьө сийөс кыздикө унджык йёз пельөдз вайөдны. Кутшөмкө, гашкө, пөльзатор на лөө кодлыкө сыысь?.. Лөсьөдлис сийөс мөд ногөн, но «йёз серам» жө артмывлис.

А коми мортыд – ыргян руа, механикөн уджалігад дзоньтасян уджтө Степан некор эз чөвтлы джын туйө, и коймөд во помас босьтчис коймөдысь. Но сэки сийөс мыйлакө кутис падмөдны ас-лас пытшкөсса «цензорыс»:

– Абу-ө тайө, – важъя «языческой» Енсө чуксалөмыс да талунъя йөзыслы вөзийөмыс, – лөк, ыджыд грек?..

Коді вермас вочавидзны «цензор» юалөм вылө? Коді вермас разрешитны вөчны «грексө»? И кодлысь та вылө отсөгсө корны?..

Дыр майшасьөм-думайтөм бөрын өти шойччан лунө мунис Көджпом сиктө, көні кыксө во нин эм пу вичко и кытчө отчыд, техникумын велөдчигөн на, нуөдлис ёртъяссө. Том йёз көсийсны төдмавны, мыйла быть колө быд комсомолечлы тышкасьны-вер-масьны Религиякөд. Вочакывсө эз аддзыны, и Фильө Степан нэмсө

пыдди пуктіс пöрысь йöзлысь Енлы эскöмсö, кызди, тöдöмысь, вöчисны и ёртъясыс.

Пыравлöма лои и пöрнöй арлыдöн. Öти Ыджыд Лунö сёрнитчис попыскöд и киноаппаратöн снимайтис вичко службасö. А сяс-ся ылі войвывса грездын петкöдліс мамыслы, коді эз нин вермы волены и адзвывны сійöс ас синмөн.

Öні муніс Степан Кöджпомö и мунігас тöд вылас кутіс Выль Завет небөгö гижöм вына да ыджыд милостя Крестос Енлысь шулöмсö:

– Истинно также говорю вам, что если двое из вас согласятся на земле просить о всяком деле, то, чего бы ни попросили, будет им от Отца Моего Небесного (Евангелие от Матфея. гл. 18:19).

Коді «двоесъыс» мöдыс – эз куж висътавны, но эскис, мый эм кöнкö сы ног жö мөвпалысь морт.

Сувтіс вичкосянь веськыдö, йөр сайö. А сясся, кызди коркö вöчлывліс челядьдырся грездын Öвдöтъя дяднаыс, копыртчыліс Сыктыв юсайса вөр-валы, лэптис кияссö и вöсьса синъясөн видзöдліс Шонді чужöмö. Мөвпъясыс-көсйöмъясыс вöліны бур вылö, и югыд шондіыс эз сот синъяссö. Бергöдчывліс отсöгла креста сигöра стрöйбалань и асыввылö видзöдгтыр шыödчис Медыджыд Енлань:

– Господьöй, му выв олöмсö кутысь-видзысьöй, отсав вöчны думыштöмторйöс!.. Эн ёр. Эн скöрав: ог öд ас вöсна тöждысь! От съöм понда и ог слава понда. А сöмын ичöтик войтырöлөн аския лун вöсна!.. Висътав: мый лёкыс, ловнаныс усьöм йöз кутасны кö Тэкöд тшöттш выльысь тöдны-нимöдны и ассыныс важъя Ен-мамсö?.. Тэнад ни Крестос Пиыдлөн нимныд таысь оз чусмы, а тайö отсыштас налы кутчысьны лёкөн гудыртчöм Олöмас!..

Шуис корöмсö, вевттис юр пыдöссö шапкаөн и чöла видзöдіс лымъя вөр-ва вылö. Кывзысис. Куритчис. А кор мöдысь лэптис синъяссö Шонділань – шемöсмис! Вöлі кымöртöм сöдз енэжа лун шөр кад. Öшым тöлысь шөр. Но куритчöм косттыс кытыськö удитöмаöсь воны кымынкö ичöтик-вöснъыдик кымöрттор, и шондіыс на костын ворсö: пыравлö-петавлö, то öти джын петкöд-час, мöд, а то и куим-нель пельö юксывлас!..

«Олөм Кутысьыс кылöма корöмö! – чуймис Степан. – Знаение тайö!.. Позьö, сідзкö, вöчны думыштöмторсö».

Долыдмис. Локтіс гортö. Некемын рыт-войöн артмисны, вель дажö шыльыда-лöсьыда, первой главаыс и гижöдыслөн сюрöсыс. Но кад колис – эз кут гижсьыны. Весиг прöстöй сёрникузя оз вермы лöсьöдны. Бөр воисны падмöдчысь мөвпгьяс: колö-ö гижöдыс кодлыкö? Сылы-ö, велöдчытöм «сьöд мортлы» Ен йылысь сёрнитны?

Выль во бöрас полöм-вежавидзöмсьыс топалöм сьёлöмөн Фильö Степан бара муніс Кöджпом вичкобокса мыльктор вылö. Бара видзöдліс-копыртчыліс Сыктыв юсайса вөрлань, Шонділань, ыджыд и вынйöра Кростос Ен оланінлань. Бара эскöдіс-корис Медыджыд Енсö:

– Господьöй, эн скöрав, эн чöвт туй шöрö, олöмöс олі нин и немтор аслым оз ков. Öтитор кора: отсав вайöдны дум-көсьйöмöс йöз пельöдз-вежөрöдз. Отсышт, – бур йöзыслы тайö бур вылö колö.

Но Енгьяслысь шуöмсö абу сетлöма кывны мортлы. Увлань лэдзöм юрөн мөдöдчис гортлань. Пыравліс туйбокса лавкаö няньла. Воис сикт помö, машинаясөн тырöм улич вылысь кежис карлань нүöдысь асфальта тротуар вылö и, прöчайтчöм могысь, видзöдліс вичколань. И аддзöмторйыс бара чуймöдіс: югыд шондіа, сöдз да лöз енэж улын куйлысь тöвся сикт вылö дорсянь дорöдз вöлі öпшйöма мичасьыс-мича Öшкамöшка!..

Воссис кыв кудыс. Бара уджаліс рыт и вой. Мукöддырйи вит час асылöдз, а квайт час дас минутö – мунны удж вылö. Сөйöм-юом оз ков. Мудзöм оз тöд, и ун оз лок. Но тöлысь-мөд мысти, медбөрья главасö сöмын сигöртны колис, – гижан уджыс бара сувтіс. «А» ни «Б» оз артмы, көть татчö бөрд. Повзис: оз-ö ковтöмтор вöч?.. Оз-ö Степанлөн мөвпгьясыс йöзлы да Енгьяслы паныд мунны?.. Оз позь! Но оз позь и вабергачьяса Олём визулөд водзсасьтөг кывтны! Колö, колö кыздикö ас йöзлы отсыштны, көть ичöтик, но мыджöдтор вöзйыны, медым уна йöз костас эг вошöй, эг вöйöй вабергача пыдöстөм йирö!

Шойччан луно Фильö Степан выльысь мөдіс Кöджпом сиктö. Бара выльысь эскöдіс, кевмис и прöща корис Бать-Енлысь аслыс тöдлытөг артмывлөм христианскöй религиякөд торьялан мөвпысь. Торьяланторйыс сыын, мый сәні шуда олөмсö вöзйöны сöмын кулөм бöрад, а коми Енмыд вöчлөма сійөс коми мортыдлы таладор югыдас. Эз кывтöм верөн, «раба божийөн», а асьыс олөмсö

ас кежысь крепыда тэчысьён вёвлёма коми морт крестос вераё пырттёдз и дзык неважён на, шуны кё, тадзыкён оліс.

Сэсся туйбокса лавкаысь бара ньёбис донтёмджык нянь тупёсь и восьлаліс гортас. Кыкысь аддзыліс нин да коймёдысьсё, дерт, некутшём «чудо» эз нин виччысь, но сикт помас эз вермы кутчысьны, бергёдчис и видзёдліс шонділань.

Ярьюгыд шондісё быгёртіс сё пёлёс рёма кытш, төвся енэжын пёртмасис-дзирдаліс Венеча шонді!..

Коркё аддзывлёмторъясён юксис пёрысь арлыда ёрткёд. Сійё шуис: «Да-а, збыльысь, – и төвся луно овло ошкамёшка. А венеча шонді – кёдзыд водзвылын. Гежёда, но овлоны, овлоны».

Соглас ськёд. Челядьдырйиыс ётчыд Степан аддзывліс жё шонді гёгөр сэтшём кытшсё. Пёмнитчё, мый тайё весиг дажё тайё нырд вылас и вёлі, кытчё лызьён воліс тувсовъя каникул дырйи. Но вёлі ётчыд. А ёнія шонді ворсёмсё и сы гёгөр Кытшсё да Ошкамёшкасё, кодъяс быттьёкё нарошнё колана здукё и петкёдчывлісны, мёд ногён, он кё збыль чудоён, некыз мёд ног он и вермы шуны.

Но таён шензянторъяс эз помасыны.

Помаліс Степан гижёдсё. Шыльёдіс-мольёдіс, пуктіс помас медбёръя чут и нуис ёти редакцияё, а гожём шёрас пыравліс тёмдавны судьбасё. Шуисны: «Йёзёдам. Йёзёдам локтан номерё». Коді оз овлы рад татшём юёртё кывны?.. Уджаліс сэки лункоста сменаён. Кадыс – нельёд час рыт, ичёт пиыс – армияын, а гётырыс вёлі на удж вылын, и радлунён юксыны некодкёд. Шуис ветлыны, сёлёмыс шуис бара ветлыны Кёджпомё.

Буситіс посныдик зэр. Рытыв-войвывсянь кыпёдчём сьёдысьсёд кымёр кёйиыс вевттыны шондісё. Вичкодорса мыльктор вывсянь аттьоаліс и бур сиис вёр-валы. Сэсся пырис вичкёй. Джодж мыськысь ань лэдзис сулыштны сәні. Копыртчыліс Богородица образлы. Видзёдліс Нерукотворной Спаслөн гырысь синъясё. Уджсё гижны отсаломысь кёйиысис матысса шойччан луно сувтёдны-ёзтыны сё ура сись.

Кор воис сикт помё, бара, дерт, сувтіс асфальта пода туй выло и гёгёртіс синнас енэжсё.

Шуйгавылын, аэропортладорас, рытъя шондіыс важ моз на вермасис сьёдысь-сьёд кымёркёд. Лунвывсянь сикт выло ёшйёма

рудсера кыз вевтөд. А веськыдвылын, Перым улича мөдар бокас, көнi лэптöны нель судта керкаяс, лайкъялис-вöрис, нюмъялис-ворсiс быдса куим пöвста Öшкамöшка!

«Енъяс кылöмаось аттьöс!.. Енъяс радлöны ёртныслөн, Зараньлөн, Коми му вылö бөр корём-воёмлы!..» – думыштiс сэки Фильö Степан.

...Та бöрын коли дас öти во, и унаысь вöли волöма Кöджпомса вичко дорö. Пыравлис и пытшкас. Видзöдлывлis енэжö. Но öшкамöшка эз нин петкöдчыв. Сьöлём шöрсьыс бур вылö петлём уджтас, тыдалö, эз куж вöрзöдны йöзыслысь сьöлёмсö, и некор нин оз збыльмы сылөн челядьдырся кöсйöмыс.

Фильö Степан чöвтis куритчанторсö, нöштаысь видзöдлис Утка туй вылö да сы гөгöрын сярвидзысь кодзувьяс вылö и пырис патераас. Войнас сылы бара петкöдчис тöрытья вöт.



Югүд вальс

Сьыланкыс

Тані во джынсö кöдзүд төв чеплясьö,
Керка юр йылöдз усьлывлö лым.
Рытъя кыа тан асьякöд кутчысьлö,
Кодыр вөр-васö пальöдлö гым.

Ярпияк, Ярпияк – Усва юбокса грезд, –
Тэ миян муса – мед и мусаöсь лоам ми тэд! 2-ысь

Коми йöз тані важöнсянь олöны:
Кыйсьысь-вöралысь, көр видзысь морт.
Кöдзүд войвывсö ловнаныс шонтöны,
Öдзöс томантöм öнöдз на горт.

/припев/

2-ысь

Шера зэр улö эн öтчүд веськавлы –
Олöм сьöкүдсö венлін тэ век.
Бурджык лунъяслы эн дугдыв эскыны,
Некор сьöлöмнад эн усьлыв тэ.

/припев/

2-ысь

Мед тэнö Зарни Ань бырöмысь видзö,
Челядь гөлөсөн вöлін мед тыр.
Мед тэнад юр весьтын «Югүд вальс» кылö, –
Югүд му вылас нималін пыр.

Ярпияк, Ярпияк – медся войвывса грезд, –
Тэ миян муса – мед и мусаöсь лоам ми тэд! 2-ысь

2000-öд вося март
Сыктывкар



Семён Константинович Терентьев чужис Большеземельской тундраса Косьта ты вылын 1945-өд вося Успеннӧ лун бӧрса асылӧ. Челядьдырыс колис кӧр дорын да Ярпияк грездын. Служитис Дальной Востокин, Хабаровск карын. Лесотехнической техникум помалӧм бӧрын уджалис Сыктывкарса механической заводын.

«Зарангяс» – С.Терентьевлӧн коймӧд ашшӧр небӧг. Таӧдз сылӧн петавлісны «Деревня Ярпияк – прошлое и будущее» роча-комиа поводной книга и торгья ичӧтик небӧгӧн «Лемванырд» поэма. Висьгьяссӧ йӧзӧдлісны «Войвыв кодзув», «Арт» да «Чушканзі» журналгясын, авторгьяслӧн ӧтувгья «Сикӧтш» небӧгын.

Тагьсь ӧтдор Семён Константинович велӧдіс XIV-ӧд нэмса стефановской азбука, а сӧсся думыштис и содтис сэтчӧ судзсыгӧтӧм буквагя да лӧдзис древнепермской алфавита шыпасгьясӧн ки помьсь гижӧм кызь кымын книга.

Юриндалысь

Дона лыддысьысь!	3
<i>Висьтъяс</i>	
Сашенька	7
Ставсö-ö гижöма книгаö?	10
Юра морт	15
Ме доръя тундрасö	19
Рöдвуж туйöд	28
Биа дадюла	39
Лёк морт	55
Шойччан лунö	68
Сочинение	77
Сар сёян	79
Гөгöра лэбзис	85
Вомидз	90
Ветымын кык час көр видзысьяс ордын (<i>Очерк</i>)	107
<i>Кывбуръяс</i>	
Лемванырды (<i>Поэма</i>)	122
Из сайсянь гөрд шондi рөдтö	154
Енмöй, видз	155
Мыйла лов вылын сьöкыд...	158
Тöрытьяс вöт (<i>Эссе</i>)	159
Югыд вальс (<i>Сьыланкыв</i>)	172

Литературно-художественное издание

Семён Константинович Терентьев

ЗАРАНЫ

рассказы, очерк, поэма, стихи, эссе, песня
на коми языке

Книга издана в авторской редакции

Компьютерная верстка — *Н.В. Вахнин*
Корректор — *Е.Е. Афанасьева*

Подписано в печать 17.06.2010. Формат 60×84 ¹/₁₆
Бумага офсетная. Гарнитура «Komi SchoolBook»
Печать офсетная. Уч.-изд. л. 10. Усл.-печ. л. 10,23
Тираж 500. Заказ № 3946

Отпечатано в ООО «Коми республиканская типография» с
дискет заказчика в полном соответствии с качеством
предоставленных материалов
167000, г. Сыктывкар, ул. Савина, 81

ISBN 978-5-7934-0352-8



9 785793 403528



